

برسوچي اساس کبرسيهن



مقصود دان حکوم طهارة




طهارة دري سڪي بهاس بر مقصود سوچي دان برسِيه. طهارة دري سڪي ايستيله قولاً بر مقصود سوچي دان برسِيه درقد حدث دان نجيس. ستياڻ مسلم يڻ ايغين ملقساناڪن عبادت صلاة دان طواف دشرطڪن سوچي درقد حدث دان برسِيه درقد سبارغ نجيس قد بدن، فاكين دان تمقت عبادت. بکيتو جوک کتيڪ ممڪغ، ممباوا اتاو مپنتوه القراءن سساورغ ايت دواجبڪن سوچي درقد حدث. تونتوتن برسوچي درقد حدث دان نجيس برداسرڪن فرمان الله ﷻ:

إِنَّ اللَّهَ يُحِبُّ التَّوَّابِينَ وَيُحِبُّ الْمُتَطَهِّرِينَ

(سورة البقرة، 2 : اية 222)

ترجمهن:

سسوڻڪوهن الله ﷻ سوک کفد اورغ يڻ بايق برتوبت دان ممبرسيهڪن ديري.



- بينچڪن مقصود طهارة دان حکوم برسوچي برداسرڪن دليل نقلي.
- نيلاي: منجاک کبرسيهن.



4.2.1

نونتا گورو



الت یغ دکوناکن اونتوق برسوچي درقد حدث ایاله ائیر دان دبو تانه. ائیر دکوناکن اونتوق مندی دان بروضوء مانا کالا دبو تانه دکوناکن اونتوق برتیمم. ائیر جوک دکوناکن اونتوق براستنجاه دان مپوچیکن سساتو یغ ترکنا نجیس. باتو اتاو بندا ۲ کست یغ لاین فولا بولیه دکوناکن اونتوق براستنجاه.

کونچی علمو



ائیر مطلق تردیری درقد توجوه سومبر برایکوت:

ائیر فایف جوک
دأغکف سباکای ائیر
مطلق کران ائیر این
برسومبرکن ساتو درقد
توجوه سومبر ائیر.

ائیر سوغای

ائیر مات ائیر

ائیر هوجن

ائیر

ائیر امبون

ائیر ثلجی

ائیر فریکي

ائیر لآوت

چتوسن میندا



افاکه یغ اکن برلاکو سکیران
سوغای ۲ دچمري دغن فلباکای
کوتورن دان سیسا توکسید؟
بولیهکه کیت براستنجاه
مغکوناکن ائیر یغ کوتور ایت؟

تانه

دبو تانه یغ سوچي
درقد نجیس دکوناکن
اونتوق برتیمم سباکای
کنتی کفد وضوء دان
مندی واجب.



باتو اتاو بندا کست

باتو یغ سوچي بولیه دکوناکن اونتوق
براستنجاه دسمقیغ فغکونان ائیر. الت لاین
یغ بولیه دکوناکن اونتوق براستنجاه ایاله بندا ۲
کست سفرتی تیسو، کرتس دان داؤن.



- تونجوفکن باهن موجود (الت برسوچي) دان ترغن فغکونانن سچارا عموم.
- مینتا مورید ممبوات چرتا فوکوک سومبر ۲ ائیر دان الت برسوچي یغ لاین.



4.2.2


یونا خورد



اير الت اوتام اونتوق برسوچي. نامون بکيتو، فڱکونان اير بريذا مغيکوت جنيس-جنيسن.
جنيس ۲ اير اداله سڦرتي يڱ برايکوت:

1 اير مُطلق

فڱرتين	اير يڱ سوچي دان بوليه دکونان اونتوق برسوچي.
صيفت	• اير برسبه يڱ بلوم دکونان اونتوق مڱعتک حدث اتاو برسوچي. • اير يڱ تيدق براوبه سام اد باءو، ورنه اتاو راساڱ دڱن سبب بندا اسيڱ يڱ دماسوقکن کدالمڱ.
ککونان	مندي واجب، بروصوء دان ممباسوه سسواتو يڱ ترکنا نجيس.



2 اير مُستعمل

فڱرتين	اير يڱ سوچي تتاڦي تيدق بوليه دکونان اونتوق برسوچي.
صيفت	اير مطلق يڱ تله دکونان اونتوق برسوچي.
ککونان	بوليه دمينوم دان دکونان اونتوق فرکارا يڱ تيدق برکائين دڱن مڱعتک حدث اتاو برسوچي.



براوبه راس



اير کولا

براوبه باءو



اير فواڱي باجو

براوبه ورنه



اير کوفي

کونچي علمو



اير مُقيد اياله اير يڱ برچمفور دڱن سسواتو باهن يڱ سوچي.

- ترڱکن جنيس ۲ اير دڱن مڱکونان ريفليکا کوله، اير دان باهن موجود.
- مينتا موريد مپدياکن فتا ميندا جنيس ۲ اير سچارا برکومڱولن.



4.2.3

نونا کورود

فغرتین	ایر یغ دسیمقن ددالم بکس لوکم یغ ترده کفد چهایی ماتاهاری کچوالی بکس امس دان فیرق .
صیفت	ایر یغ ترده کفد چهایی ماتاهاری دنکری یغ اقلیمن ترالو فانس .
ککونان	مکروه افایبلا دکوناکن کتیک ماسیه فانس .



فغرتین	ایر یغ دماسوقی اتاو ترکنا نجیس .
صیفت	<ul style="list-style-type: none"> ایر یغ دماسوقی نجیس دان جوملهن تیدق سمفای دوا کوله والوفون تیدق مغوبه ورنای، باء دان راس . ایر تیدق مغالیر یغ براوبه ورنای، باء اتاو راسان افایبلا دماسوقی نجیس والوفون ملبیهی دوا کوله .
ککونان	تیدق صح برسوچی دغنن دان تیدق بولیه دمنوم .

کونچی علمو



قدر دوا کوله (قُلَّة) مغیکوت تیمقن ترادیسونل ایاله 500 کاتی بغداد برسامان:

لیتر	انتارا 192 هیغک 270 لیتر
هستا	1/4 هستا فادو
تین مییق تانه	9% هیغک 13 تین

رسول الله ﷺ منجلسکن تنتغ کسوجین ایر دوا کوله والوفون دماسوقی نجیس تتافی تیدق براوبه ورنای، باء دان راس:

إِذَا كَانَ الْمَاءُ قُلَّتَيْنِ لَمْ يَحْمِلِ الْخَبَثَ

(أبو داود)

ترجمهن:

افایبلا ایر منچوکوفی دوا کوله ایر ترسبوت تیدق مغاندوخی کوتورن (نجیس).

- بینچغکن حکوم ایر متنجس دان ایر مشمس سرتا فغکونان.
- میتنا مورید میدیاکن ریقلیکا کوله دغن مغکوناکن کرتس دان ملتقن اوکورن.



فريڊان انتارا سوچي دغن برسپه



برسپه

- برسپه تتافي تيدق سوچي.
- تيدق بوليہ دکوناکن اونتوق صلاة.

فاکين يغ ترکنا نجيس دان
دباسوه دغن سابون تتافي تيدق
مغکوناکن اير مطلق.

سوچي

- تيدق برسپه تتافي سوچي.
- بوليہ دکوناکن اونتوق صلاة.

کوتورن يغ بوکن نجيس دان بوليہ
دبرسيهکن دغن هان مغکوناکن
سافو تاغن اتاو تيسو سهاج.

کفتيغن برسوچي ترهادف ديري دان فرسکيترن



1 سنتياس برسپاف سدیا اونتوق برعبادة

2 مملهارا کصیحتن دان مغهيندري فپاکيت

3 موجودکن فرسکيترن يغ چريا دان کوندوسيف

4 منجاديکن سواسان تمفت عبادة سنتياس سليسا

5 منيغکتکن مرواه ديري دان لامبغ کتمدونن اومت

6 منداقت کريضان دان کاسيه سايغ الله ﷻ

اکتيفيتي



توليس کارغن برتاجوق ”إسلام“
ممنتيغکن کبرسيهن.



- سومبغ سارن تنتغ فريڊان انتارا سوچي دغن برسپه دان مينتا موريد ممبريکن چونتوه ۲ لائين.



4.2.4
4.2.5

نوننا کورور



1 جواب سوالن برداسر کن کد ایمبسَن برائیکوت:

اير افاکه یغ بولیه منچوچي نجیس؟

اير افاکه یغ بولیه دمینوم تنافي تیدق بولیه دکوناکن اونتوق برسوچي؟



کتیک براد دنکارا سودان، انس مغمبیل وضوء دسبواه مسجد یغ فانس ايرن. افاکه حکوم وضوء انس؟

سبلدي اير دماسوقي تاهي چيچق، تنافي تیدق مغبوه ورنه، باء دان راس اير. اداکه هاروس انس مغمکت حدث دغن؟

سایکور چيچق ماتي دالم کوله سبواه مسجد. اداکه اندا بولیه بروضوء دغن اير کوله ترسبوت؟



1 پاتاکن مقصود طهارة.

2 جلسکن دلیل نقلي واجب برسوچي.

3 جلسکن الت یغ هاروس دکوناکن اونتوق برسوچي.

4 سنارایکن سومبر اير مطلق.

5 ترغنکن جنیس اير برسرنا چونتوه.

6 هورایکن کفنتیغن برسوچي کغد ديري دان فرسکیترن.

7 سباکاي ساورغ مورید، باکایماناکه اندا دافت ممستیکن ديري سنتیاس براد دالم کادان بروضوء؟



• سدیاکن کد ایمبسَن دان میتا مورید منجالنکن اکتیویٽي سچارا برکومقولن.
• فستیکن مورید دافت مغمملکن عملن برسوچي دالم کهدوفن سچارا برادب دان استقامة.




4.2.6

سوچي درقد نجيس

مقصود نجيس مُخَفِّفَة، مُتَوَسِّطَة دان مُغَلِّظَة

نجيس دري سكي بهاس برمقصود سموا بندا يڄ ڪوتور. دري سكي ايستيله فولا، نجيس برمقصود بندا ڪوتور يڄ مپيڪن صلاة تيدق صح. نجيس تربهاڪي ڪفد تيڪ جنيس، يائت نجيس مُخَفِّفَة، مُتَوَسِّطَة دان مُغَلِّظَة.



ڪونچي علمو



اوبت-اوبتن يڄ مغاندوغي ڪوهول سباڪاي باهن فلاروت بوڪن نجيس دان دهاروسڪن سڪيران ڪوهول ترسبوت تيدق دڦروسيس سفرتي ارق.

اڪثيوتي



اندا ترجمفا سايڪور حيوان ڪاچوقن انچيڄ دغن ڪميڄ. اداڪه حيوان ترسبوت ترماسوق دالم ڪالغن نجيس مغلظه؟ بينچيڪن.

• مينتا موريد مپناراڪن چوتوه نجيس يڄ بياسا دتموڪن دان مپاتاڪن جنيس نجيس برڪنءن.



4.3.1

نونو ڪورور




هاري اين کيت اکن بلاجر چارا
مپوچيکن ستياف جنيس نجيس.



اکتيفيتي



ايمبس کود قيو. ار. اين دان فرهاتيکن
چارا مپوچيکن نجيس مغلظة.



بواغ نجيس.



کونجي علمو




فرودوک براساسکن کوليت سفرتي
بيک تاغن، کاسوت کوليت دان
تالي فيغکغ يغ دوبات درقد کوليت
خنزير بوليه دکسن دغن مليهت
بينتيق برنتوق سكي تیک يغ اد قد
فرودوک ترسبوت.



سدياکن ساتو
بکس اير تانه
دان ساتو بکس
اير مطلق.

نجيس مغلظة



اير مطلق



اير تانه

• اداکن ديمونستراسي چارا مپوچيکن ستياف جنيس دان ميتنا موريد
ملاکونن دغن بتول دان سمقورنا.



4.3.2

بونا خورد



نجیس مُتَوَسِّطَة

رنجیس اءیر قد تمفت یغ
ترکنا نجیس.



بواغ نجیس.



نجیس مُخَفَّفَة



باسوه تمفت یغ
ترکنا نجیس دغن
مغالیر کن اءیر.

فستیکن هیلغ دان
سوچی درقده:

باءو

باسوه تمفت یغ
ترکنا نجیس دغن
انم کالی باسوهن
اءیر مطلق.

باسوه تمفت یغ
ترکنا نجیس دغن
ساتو کالی باسوهن
اءیر تانه.

راس

ورنا



کونچی علمو



باسوهن مٹکوناکن میسین باسوه هندقله دچوچیکن ترلیبه
دهولو فاکاین برنجیس سبلوم دچمفورکن دغن فاکاین یغ
تیدق ترکنا نجیس.

1 باسوهن اءیر تانه + 6 باسوهن اءیر مطلق

چارا مپوچیکن کولیت حیوان



مائسې بايق مځکونان کولیت حیوان اونتوق توجوان ترنتتو. چونتوهن، باجو کولیت دفاکاي اونتوق ممبنتو ممانسکن بادن کتیک موسیم سحوق. سلائين ایت، کولیت حیوان دجادیکن باهن اونتوق ممبوات بیگ تاغن، تالي فیغکغ، کاسوت دان دومفیت. سما کولیت حیوان بولیه دمنفعتکن کچوالي کولیت انجیغ دان خنزیر. کولیت ترسبوت فرلو دسوچیکن سلوم بولیه دکوناکن. فروسییس مپوچیکن کولیت حیوان دسبوت سباکاي سامق. سامق ایاله فروسییس مغهیلغکن سکالا لندير، داکیغ دان کلمبشن یغ ملکت فد کولیت.

چارا مپوچیکن کولیت حیوان اداله سفرتي یغ برایکوت:

سدیاکن باهن یغ برصیفت مغهاکیس اونتوق مپامق، سفرتي:



باهن کیمیا



تاهي مرفاتي



تاوس



کولیت دلیما



منجاکاني




دءون اکاسیا

بواغ لندير، لمق دان داره یغ ملکت فد کولیت ترسبوت.

کوسوق کولیت دغن باهن یغ دسدیاکن (سامق).

بیلس کولیت دغن اير مطلق.

جمور کولیت هیغک کریغ.



• تونجوقکن باهن یغ بولیه دکوناکن اونتوق مپامق.



تونا خورد

4.3.3



1 راقم تمو بوال برساما-سام دغن كورو سائین س اندا. تاجوق تمو بوال ایاله ”فریذآن نجیس مُخَفَّة، مُتَوَسِّطَة دان مُغَلَّظَة دري سودوت سائین س“. چوبا سلیدیق بیراف فرسوالن یغ برایکوت:

◀ افاکه فریذآن نجیس مُخَفَّة، مُتَوَسِّطَة دان مُغَلَّظَة منوروت کاجین سائین س؟

◀ افاکه یغ ممبیداکن ائیر کنچیغ کانق ۲ للاکی دغن ائیر کنچیغ کانق ۲ فرمفوان

یغ براوسیا باوه دوا تاهون سدغکن کدوا-دوا هان مینوم سوسو ایبو؟ مغااکه ائیر کنچیغ کانق ۲ للاکی سهاج یغ دکیرا سباکای نجیس مخففه؟

◀ مغااکه نجیس مخففه ترحد هان کفد ائیر کنچیغ کانق ۲ باوه دوا تاهون؟

◀ نبی ﷺ مغاجر اومتن سوفا یا مئکوناکن تانه سماس مپوچیکن نجیس مغلظه. مغاف؟

2 کلس دبهائیکن کفد بیراف کومفولن. ستیاف کومفولن دبری تمفت ترتنتو سفرتی سوراو، کلس دان کنتین. ستیاف کومفولن فرلو ممستیکن تمفت ترسبوت برسیه درفد سبارغ نجیس. جک اد، مریک فرلو ممبرسیهکن نجیس ترسبوت دغن سمفورنا.



3 فیکیرکن فرودوک یغ داقت اندا حاصلکن درفد کولیت حیوان. چریتاکن لئکه ۲ اونتوق مئحاصلکن فرودوک ترسبوت. براااکه هرک ترتیغکی یغ ممفو راکن ۲ اندا تاورکن اونتوق ممبلی دان ممیلیقی فرودوک ترسبوت؟

- مینتا مورید ممستیکن سکالا توکسن دلقساناکن دغن سمفورنا.
- نیلاي: کاوسهاونن دان فیکا ترهادف کبرسیهن.





- 1 پاتاکن مقصود نجیس مُخَفَّفَة، مُتَوَسِّطَة دان مُعَلَّظَة.
- 2 تونجوقکن چارا مپوچیکن نجیس مُخَفَّفَة، مُتَوَسِّطَة دان مُعَلَّظَة سچارا برکومقولن. تنداکن (✓) قد سنارای سیمق دباوه باکی ستیاف لگکه یغ داقت دلاکوکن دغن سمفورنا.

✓	نجیس مُعَلَّظَة	✓	نجیس مُتَوَسِّطَة	✓	نجیس مُخَفَّفَة
	1 بواغ نجیس.		1 بواغ نجیس.		1 بواغ نجیس.
	2 سدیاکن ساتو بکس اَیر تانه دان ساتو بکس اَیر مطلق.		2 امبیل اَیر.		2 امبیل اَیر.
	3 باسوه تمقت یغ ترکنا نجیس دغن ساتو کالی باسوهن اَیر تانه.		3 باسوه تمقت یغ ترکنا نجیس سهیغک هیلغ ورنا، باءو دان راس.		3 رنجیس اَیر قد تمقت یغ ترکنا نجیس.
	4 باسوه تمقت یغ ترکنا نجیس دغن انم کالی باسوهن اَیر مطلق سهیغک هیلغ ورننا، باءو دان راس.				

- 3 ترغکن چارا مپوچیکن کولیت حیوان.

4 اندا تله تربلی سهلای باجو سجوق یغ دقربوات درقد کولیت خنزیر. افاکه تیندقن اندا ستله میدری حال ایت؟



• فربایق هلامن این اونتوق داکیهکن کفد مورید.



نونا خورد

4.3.1
4.3.2
4.3.3
4.3.4

استنجاء سواتو تونتوتن

فغرتين دان حكوم استنجاء



استنجاء درقد سكي بهاس برمقصود سلامت درقد فپاڪيت. منوروت ايستيله قولاستنجاء اياله فربواتن مغهيلغكن نجيس يغ كلوار دري قوبول اتاوقون دوبور. حكوم براستنجاء اداله واجب. حال اين سلارس دغن حديث رسول الله ﷺ:

كونچي علمو



فغكونان تيسو باسه
اونتوق براستنجاء اداله
تيدق صح كچوالي
ددهولوي دغن تيسو
يغ كريغ.

عَنْ أَنَسِ بْنِ مَالِكٍ رَضِيَ اللَّهُ عَنْهُ قَالَ: كَانَ النَّبِيُّ ﷺ إِذَا خَرَجَ لِحَاجَتِهِ أَجِيءُ أَنَا وَغُلَامٌ مَعَنَا إِدَاوَةٌ مِنْ مَاءٍ يَغْنِي يَسْتَنْجِي بِهِ.

(البخاري)

ترجمهن:

انس بن مالک رضی اللہ عنہ برکات، جک نبی ﷺ کلوار اونتوق قضاء حاجت، مک اکو دان بودق سوروهنگو اکن ممباوا بکس برايسي اير اکر بکيندا داقت براستنجاء دغن.

حديث اين منجلسکن بهاوا استنجاء مروفاکن عملن يغ واجب دلقساناکن. سسيافا يغ تيدق براستنجاء دغن سغاج حکومث بردوسا کران دي دأغکف براد دالم ککوتورن، مالهن عبادة يغ دلاکوکن سفرتي صلاة دان طواف جوک تيدق صح. فرمان الله ﷻ:

... وَاللَّهُ يُحِبُّ الْمُطَهِّرِينَ ﴿١٠٨﴾

(سورة التوبة، 9 : اية 108)

ترجمهن:

... دان الله ﷻ مپوکاي اورغ ۲ يغ برسياه.

- مينتا موريد مپاتاکن مقصود، حکوم دان دليل نقلي استنجاء.
- سوميغ سارن تنغ الت ۲ يغ بوليه دکوناکن اونتوق براستنجاء.




نونا کوروز

4.4.1



ایر مروفاکن الت یغ ترباءیق اونتوق براستنجاه کران ایر داقت مغهیلغکن روفا، ورنای، باؤ دان راس نجیس. سلاءین ایت، باتو اتاو بندا کست جوک بولیه دکوناکن اونتوق براستنجاه.



ترداقت باهن یغ حرام دکوناکن اونتوق براستنجاه، انتاراث ترماسوقله:

- 1 کرتس اتاو باهن یغ ترتولیس ایه القراءان اتاو حدیث، نام ۲ اللہ ﷺ دان رسول.
- 2 بندا یغ دحرمتی سفرتی ماکنن دان تولغ.
- 3 بندا یغ بربهایی سفرتی کاچ دان بولوه.
- 4 بندا نجیس اتاو بندا یغ ترکنا نجیس سفرتی تاهی بیناتغ یغ کریغ.
- 5 بندا یغ برنیلائی سفرتی امس، فیرق دان سوترا.



- میتتا مورید میپاکن الت ۲ یغ بولیه دکوناکن اونتوق براستنجاه.
- جلسکن بیراٹ الت یغ حرام دکوناکن اونتوق براستنجاه سرتا السنن.





عَنْ ابْنِ عَبَّاسٍ رضي الله عنه قَالَ: مَرَّ رَسُولُ اللَّهِ صلى الله عليه وسلم عَلَى قَبْرَيْنِ فَقَالَ: أَمَا إِنَّهُمَا لَيُعَذَّبَانِ، وَمَا يُعَذَّبَانِ فِي كَبِيرٍ. أَمَا أَحَدُهُمَا فَكَانَ يَمْشِي بِالنَّمِيمَةِ، وَأَمَا الْآخَرُ فَكَانَ لَا يَسْتَتِرُ مِنْ بَوْلِهِ.

(متفق عليه)

ترجمهن:

ابن عباس رضي الله عنه برکات بهاوا رسول الله صلى الله عليه وسلم فرنه ملالوئي دوا قبور لالو بکیندا برسیدا، ”سسوگکوھن کدوا-دوا اورغ دالم قبور این سدغ دسیقسا، دان مریک بوکنله دسیقسا کران دوسا بسر. سآورغ درقد مریک دسیقسا کران سلالو مغادو دومبا ماناکالا یغ سآورغ لاکي تیدق برسیه درقد کنچیغن“.

حدیث این معکمبرکن بهاوا شریعة اسلام امت معمبیل برت تنتغ کفتنیغن برسوچی. ستیاف مسلم دتونتوت سوفايا ممبرسیهکن قبول اتاو دوبورث دغن سمفورنا سلشس ممبواغ ائر کچیل اتاو بسر.



• سومبغ سارن تنتغ کفتنیغن براستنجا دالم کهیدوفن .



4.4.2

ممبريكن كسليسان كغد
ديري دان اورغ لائين

مندافت فهالا

كفتنيغن
براستنجاه

عبادة صح دان دافت
دلقساناكن دغن بايق
دان سمقورنا

بادن منجادي
صيحت دان چركس

دكاسيهي الله ﷻ
دان رسولن

ترهيندر درقده
جحكيتن فباكيت

كونچي علمو



تردافت بيراف شرط براستنجاه
دغن بندا كست، انتاراڻ:
◀ الت مستي سوچي، برسيه
دان كريغ
◀ نجيس قد قبول اتاو دو بور
بلوم كريغ
◀ نجيس تيدق مليليه كتمفت
لائين سفرتي فها اتاو بتيس
◀ تيا د نجيس لائين يغ ملكت
دتمفت كلوار نجيس.

چارا براستنجاه



تردافت تيك چارا يغ بوليه دلاكوكن اونتوق براستنجاه:

مغكوناكن باتو اتاو بندا كست

برسيهكن تمفت كلوار نجيس
دغن تيك بيچي باتو اتاو
سبيجي باتو يغ ممقوپاي تيك
فرموكان اتاو بندا ۲ كست
سهيغك ديقيني برسيه.

مغكوناكن اير

باسوه تمفت كلوار
نجيس دغن اير مطلق
سهيغك ديقيني برسيه.

مغكوناكن باتو دان اير

(قاليع افضل)

برسيهكن تمفت كلوار
نجيس دغن تيك بيچي
باتو اتاو سبيجي باتو
يغ ممقوپاي تيك
فرموكان، كمودين
باسوه دغن اير مطلق
سهيغك ديقيني برسيه.

اكتيفيتي



چاري تيك الت يغ بوليه دكوناكن اونتوق براستنجاه
دان لاکوكن تونجوق چارا دهاذن كلس.

- جلسكن كفتنيغن براستنجاه دالم كهيدوڤن.
- ميتا موريد ملقساناكن توکسن منچاري الت اونتوق براستنجاه.
- ميتا موريد ملاكوكن تونجوق چارا براستنجاه مغكوناكن بندا كست دغن بتول.



4.4.2
4.4.3

بونا خورد



1

تيدق ممباوا ماسوق
كتاندس سسواتو يڭ
دمولياكن سفرتي اية
القرءان اتاو نام ۲ الله ﷻ

2

ممباچ دعاء سبلوم ماسوق كتاندس
”اللَّهُمَّ إِنِّي أَعُوذُ بِكَ مِنَ الْخُبْثِ وَالْخَبَائِثِ“
(يا الله سسوغكوهن آكو مموهون فرليندوغنمو درفد
كغكووان شيطان جتنن دان شيطان بتينا)

3

مماكاي سليقر
دان منوتوف
كفالا

4

ملغكه ماسوق كدالم
تاندس دغن كاكي
كيري

5

منجاك عورة هيغك سمقاي
كتمقت ممبواغ اير، منچغكوغ
دان برهاتي-هاتي دغن فرچيقن
نجيس

6

تيدق مغهاتف قبله
(باكي تمقت تيدق
بردينديغ)

7

تيدق ملاكوكن فركارا يڭ دلارغ كتيك
ممبواغ اير، سفرتي:
• برچاكف سماس ممبواغ اير
• ممكغ قوبول اتاو دوبر دغن تاغن
كانن

8

تيدق ممبواغ اير دتمقت يڭ دلارغ سفرتي:
• تمقت برتدوه
• لالوان اورغ راماي
• دالم لوبغ تانه
• دالم اير تنغ سفرتي تاسيق اتاو كولم رنغ

9

براستنجا سكورغ
-كورغن سكالاي دان
سنة دتمبه منجاوي دوا
اتاو تيگ كالي

10

ممبرسيهكن تاندس
اكر داقت دكوناكن
اوليه اورغ لائين

11

ملغكه كلوار دغن كاكي كانن دان ممباچ دعاء:
”غُفِرَ لَكَ الذَّنْبُ الَّذِي أَذْهَبَ عَنِّي الْأَذَى
وَعَافَانِي“
(دغن مغهاتفكن كامفوننمو، سكالافوجي
باكي الله ﷻ يڭ تله مغهيلغكن فپاكي
درفد بادن دان مپيحتكنكو)

چتوسن ميندا




افاكه فپاكي يڭ موده مپرغ جك كيت تيدق
مغملكن كبرسيهن كتيك ممبواغ اير؟

• مينتا موريد منرغكن ادب ۲ قضاء حاجت.
• فستين موريد داقت مغملكن استنجا يڭ سمفورا سچارا استقامة.



4.4.4
4.4.5

نوننا كوروز



اكتیویتی



1 لغت‌کن تکا سیلغ کات برایکوت.

ملینغ

3 الت سلاءین ایر یغ بولیغ دکوناکن اونتوق براستنجاه.

5 ممبرسیهکن قبول دان دوبور دغن الت ۲ ترتنتو.

7 کیت دلارغ مهادف اتاو

مبلاکغکنش کتیک براستنجاه.

8 الت یغ دحرمتی دان حرام دکوناکن اونتوق براستنجاه.

کباوه

1 تیدق صح عبادة این جک تیدق براستنجاه دغن بتول.

2 مکروه دلاکون کتیک براستنجاه.

4 حکوم براستنجاه.

6 براستنجاه دغن باتو دایکوتی ایر اداله لیه _____ .

فنیلاین



1 افاکه مقصود استنجاه؟

2 ترغکن چارا براستنجاه یغ فالیغ افضل.

3 جلسکن تیگ کفتنیغن استنجاه دالم کهیدوفن.

4 هورایکن دوا ادب کتیک قضاء حاجت.

5 انس مبابوا تیلیفون بیمیت یغ مغاندوغي فرایسین القرءان سماس قضاء حاجت.

جلسکن فندغن اندا.

6 اندا دکهندقی ملایری اینترنیت سرتا منچاری معلومت لنجوت تنتغ فندوان براستنجاه یغ بتول باکی للاکی دان فرمفوان. هورایکن حاصل دافتن دالم بوکو تولیس.



وضوء دان شرط کسمفورنائش

مقصود، حکوم دان دلیل وضوء



انس، سیلا باچ کد دلیل
واجب بروضوء درفد القرآن.



بهاس برسیه، ایلوق دان برسری

مقصود وضوء

ایستیه

مماسوه اغکوتا ترتتو
برسرتا نیه

واجب

کتیک منونایکن صلاة دان طواف
کتیک ممکغ اتاو ممباوا مصحف
القرآن

سنه

کتیک برحدث کچیل
کتیک ممباچ القرآن
کتیک ملاووغکن اذان دان اقامة

حکوم وضوء

دلیل واجب بروضوء درفد القرآن ایاله أَعُوذُ بِاللَّهِ مِنَ الشَّيْطَانِ الرَّجِيمِ
يَتَأَيُّهَا الَّذِينَ ءَامَنُوا إِذَا قُمْتُمْ إِلَى الصَّلَاةِ فَاغْسِلُوا وُجُوهَكُمْ
وَأَيْدِيَكُمْ إِلَى الْمَرَافِقِ وَامْسَحُوا بِرُءُوسِكُمْ وَأَرْجُلَكُمْ إِلَى الْكَعْبَيْنِ ...
(سورة المائدة، 5 : آية 6)

ترجمهن:

واهاي اورغ یغ برایمان! افاایلا کامو هندق منونایکن صلاة، مک باسوهله
موک دان تاغنمو هیغک کسیکو، سرتا ساقله کفالامو دان باسوهله کاکي
هیغک کدوا-دوا بوکو لالی ...

- اداکن سوال جواب تنغ مقصود وضوء دان حکوم بروضوء.
- مینتا مورید میاتاکن دلیل نقلی وضوء.



4.5.1

نوننا کورود

چارا دان حکوم بر کائین دغن وضوء



عملن سنة سلوم دان کتیک

بروضوء:

- ◀ مڭکوسوق کیکي سلوم بروضوء دان یغ تر بایق مڭکوناکن کایو سوکي.
- ◀ ممباسوه دان مپافو اغکوتا وضوء تیگ کالي.
- ◀ مڭکوسوق کتیک ممباسوه اغکوتا وضوء.

کونچي علمو



کایو سواک یغ براصل درقد فوکوق آراک ایاله سجنیس الت یغ فالیغ بایق دکوناکن اونتوق برسوکي.



مبایچ بَسْمَلَة



ممباسوه دوا تاغن هیغک فرکلغن تاغن



بر کومور- کومور



فتونجوق

- روکون وضوء
- سنة وضوء

مماسوقکن ائیر دان مپدوتن کدالم هیدوغ (اسْتِنْشَاق)

واجب ممباسوه سموا بولو یغ براد دالم حد موک.



مغلوارکن ائیر دري هیدوغ (اسْتِنْشَار)



نية بروضوء کتیک ممباسوه موک

ممباسوه موک

کونچي علمو



ماس برنية: کتیک ائیر ترکنا سبهاکین موک.
نية وضوء: مغيغتي توجوان سسواتو فربواتن کتیک مولا دلاکونکن (تمقتن دالم هاتي):
نَوَيْتُ الْوُضُوءَ لِلَّهِ تَعَالَى.
ترجمهن: سهاج اکو بروضوء کران الله تعالی.
(دستنکن ممباچ لفظ نية سلوم ائیر ترکنا سبهاکین موک)

- مینتا مورید مینارایکن فرکارا روکون دان سنة کتیک بروضوء.
- مینتا مورید منونجوق چارا بروضوء دالم کومقولن دسوراو سکوله.



4.5.1
4.5.3
4.5.5



مباج دعاء

أَشْهَدُ أَنْ لَا إِلَهَ إِلَّا اللَّهُ، وَأَشْهَدُ أَنَّ مُحَمَّدًا عَبْدُهُ
وَرَسُولُهُ. اللَّهُمَّ اجْعَلْنِي مِنَ التَّوَّابِينَ، وَاجْعَلْنِي
مِنَ الْمُتَطَهِّرِينَ، وَاجْعَلْنِي مِنْ عِبَادِكَ الصَّالِحِينَ.
ترجمهن:

اڪو برسقسي بهاوا تباد توهن يڄ دسمبه ملاينڪن
الله ﷺ دان نبي محمد ﷺ همبا دان فسوروهن.
يا الله يا توهنڪو، جاديڪنله اڪو دالم كالغن
اورغ يڄ سوڪ برتوبه، جاديڪنله اڪو اورغ يڄ
مپوچيڪن ديري، دان جاديڪنله اڪو دالم كالغن
اورغ يڄ صالح.

- ◀ ملبيهڪن ڪاوسن باسوهن
- ◀ موڪ، تاغن دان ڪاڪي.
- ◀ مپلت جڳڪوٽ دان جيمڄ
- ◀ يڄ تيل باڪي للاڪي.
- ◀ مندهولوڪن اغڪوٽا ڪانن
- ◀ درقد اغڪوٽا ڪيري.
- ◀ مپلت جاري تاغن دان
- ◀ ڪاڪي.
- ◀ مپافو سلوروه ڪفالا.

ڪرنچي علمو



رسول الله ﷺ مغمبيل وضوء
دغن ساتو چوفق (مُد) اير،
برسامان دغن 565 ميليليتير.



ترتيب يائت
مغيڪوٽ
اوروتن



مباسوه ڪاڪي
هيڳ ڪبو ڪو
لالي



سڪورغ-ڪورغ
تيگ هلاي رمبوت.



مپافو
ڪدوا-دوا
تليغا



مباسوه دوا
تاغن هيڳ
سيڪو

اڪتيڙيتي



- ◀ لفساناڪن عملي وضوء.
- ◀ بينا سوالن دان جواڦن برڪائين
- ◀ دغن وضوء اونتوق ڦروڪرم
- ◀ ايڪسفلوراسي ڦريڳت سڪوله.

مپافو ڪفالا

• ترغڪن دغن ترفرينچي ڦرڪارا روڪون دان سنة ڪتيڪ بروضوء سرتا حد اغڪوٽا يڄ
واجب دان سنة دباسوه اتاو دسافو.



4.5.3
4.5.5

نون ڪورور

فرکارا ۲۱ مکروه کتیک بروضوء



مغکوناکن ائیر سچارا برلییه - لیبهن.

مماسوه اتاو میافو ملییهی تیگ کالی.

برکومور-کومور دان براستنشاق سچارا برلییه - لیبهن.

مندهولوکن اغکوتا کیری کتیک ممباسوه تاغن دان کاکي.

منمقر ائیر کموک کتیک ممباسوه موک.

مغلف اغکوتا وضوء سلقس بروضوء.

کونچی علمو



عَنْ عَبْدِ اللَّهِ بْنِ عَمْرٍو رضي الله عنه أَنَّ رَسُولَ اللَّهِ صلى الله عليه وسلم مَرَّ بِسَعْدِ وَهُوَ يَتَوَضَّأُ فَقَالَ: مَا هَذَا السَّرْفُ؟ فَقَالَ: أَفِي الْوُضُوءِ إِسْرَافٌ؟ قَالَ: نَعَمْ وَإِنْ كُنْتَ عَلَى نَهْرٍ جَارٍ.
(ابن ماجه)

عبد الله بن عمرو رضي الله عنه بركات بهاوا رسول الله صلى الله عليه وسلم فرنه لالو بردکتن دغن سغد یغ سدغ بروضوء لالو بکیندا برسیدا، ”مغاف ممبذیر؟“ لنتس سغد برتاش کمبالی، ”ادا که کتیک بروضوء فون اد فمبذیرن؟“ رسول الله صلى الله عليه وسلم منجواب، ”یا، سکالیقون کامو بروضوء دسوغای یغ مغالیر“.

فرکارا ۲۱ یغ ممبطلکن وضوء



کلوار سسواتو درقد قوبول اتاو دوبور.

تیدور دغن چارا تیدق تتف فوغکوغ کلنتای.

هیلع عقل دغن سبب فیتیم، مابوق، کیلا اتاو ساکیت.

برستوهن کولیت انتارا للاکي دغن فرمقوان بوکن مَحْرَم.

مپنتوه کمالوان مائسی دغن تافق تاغن اتاو فروت جاری.

مپنتوه لیغکرن دوبور دغن تافق تاغن اتاو فروت جاری.

اکتیویتی



فمبذیرن سریغ برلاکو کتیک بروضوء مغکوناکن ائیر فایف. چادغکن چارا ۲۱ مغیلکن فمبذیرن کتیک بروضوء.

چتوسن میندا



سیافاکه مَحْرَم یغ بولیه دستتوه دان تیدق ممبطلکن وضوء؟


- مینتا مورید مینارایکن فرکارا مکروه کتیک بروضوء.
- ترغکن چارا سنتوهن یغ ممبطلکن وضوء دان چارا یغ تیدق ممبطلکن وضوء.



4.5.3
4.5.4

بونا خورو

ڦنمون سائيتيفيڪ دالم عملن بروضوء



ڦنمون سائيتيفيڪ منونجوقڪن بهاوا عملن بروضوء ممبريڪن ڪسن ڦوسيتيف ترهادث ڪصيحتن توبوه بادن. ڪتيڪ بروضوء سساورڻ اڪن ممباسوه مولوت، هيدوڻ دان موڪ يڻ سريڻ تردهه ڪڦد انڇمن ڪومن. انتاراڻ ترماسوقله ڪومن ستيڦيلوڪوڪوس ايڦيڊرميس (*Staphylococcus epidermis*)، سٽريڦٽوڪوڪوس ڦيوڪينييس (*Streptococcus pyogenes*) يڻ سريڻ مپريڻ ڪوليت، سٽريڦٽوڪوڪوس نيومونيا (*Streptococcus pneumonia*) يڻ مپريڻ ڦارو ۲ ملالوئي روڻڪ ڦرنفسن. اڦايبلا سساورڻ بروضوء، اڻڪوتا بادنڻ برسيه دان سلامت درڦد سرڻن ڪومن دان جڻڪيٽن ڦياڪيت برهائي. دالم ماس يڻ سام ڪوليتن منجادي لمبڦ دان ممڦو مڻاول ڪستابيلن سوهو بادن.

ترداث ڪاڃين يڻ منداڦتي، ڦوست سارف مائسي يڻ ڦالين ڦيڪا براد ڦد بهاڪين تاڻن، ڪاڪي دان داهي. ڦوست سارف ترسبوت اڪن سڪر اڦايبلا دباسوه دڻن اير.

اڪٽيويٽي



چاري معلومت درڦد لامن سساوڻ تنتڻ عملن سنه ڪتيڪ بروضوء دان ڪبايقن دسباليق عملن ترسبوت.

- بينڇ تنتڻ ڪبايقن وضوء دري اسٽيڪ سائين س درڦد ڦلباڪاي سومبر.
- مينتا موريد منچاري نام ۲ بڪٽيريا يڻ منجڪيٽي تاڻن، مولوت دان ڪاڪي مائسي.
- ايمبس ڪوڊ ڦيو.ار دان چاري معلومت تمبهن برڪايتن ڦنمون سائيتيفيڪ دالم عملن بروضوء.



4.5.2

نوٽا ڪورڊ

حکمه بروضوء



کونچي علمو



بلال بن رباح رضي الله عنه
 منداقت كأيستيميوآن
 کران سنتیاس بروضوء
 دان منونایکن صلاة سنة
 سلقس وضوء سهیغک
 رسول الله صلی الله علیه و آله مندغر بویی
 تاقق کاسوت بلیاو ددالم
 شرک کتیک فریستیوا
 اسراء دان معراج.

مغمبیل وضوء درومه
 سلوم کمسجد منمبه
 کسمفورنآن صلاة.

ممبریکن کتغن،
 کسکرن دان مغاول
 فراسان ماره دان تکنن.

ممبرسیهکن اغکوتا
 بادن دان منجرنیهکن
 روحانی.

کاو سن باسوهن
 وضوء اکن برجهای
 فد هاری اخیره.

منداقت کامفونن الله صلی الله علیه و آله
 دان کلوار دوسا درقد
 باسوهن وضوء.

منمبه کایمانن دان
 کیقینن کفد هاری
 اخیره.

اکتیویتی



- 1 لقساناکن عملي وضوء دالم کومفولن دغن مٹکوناکن ساتو لیتر ائیر.
- 2 راقمکن چارا بروضوء یغ سمفورنا کمودین موات نایق کلامن سساوغ راسمی سکوله دغن بنتوان کورو.

فنیلین



- 1 پاتاکن مقصود وضوء.
- 2 هورایکن چارا بروضوء دری اسٹیک روکون دان سنة وضوء.
- 3 ترغکن حکوم بروضوء برداسرکن دلیل القرءان.
- 4 انتارا حکمه بروضوء ترماسوقله ممبرسیهکن دیری درقد دوسا.
- 5 ترغکن بنتوق دوسا یغ سریغ دلاکوکن اولیه اغکوتا وضوء.

کینی مشارکت اسلام تله دفرکنلکن کفد فغکونان
 فیمبور اونتوق بروضوء.

فیمبور یغ دکوناکن اونتوق بروضوء.

ترغکن فندغن اندا تنتغ حال این.



مندي واجب ڦيوجي ڊيري



مقصود مندي واجب

مندي منوروت بهاس ايله مغاليركن اير كاتس سسواتو. ڊري سكي ايسيتيله ڦولا، مندي برمقصود مغاليركن اير كاتس بادن دغن نية يڠ ترتنتو. مندي واجب ايله مندي يڠ واجب دلاكوكن اڦاييلا ترڊاقت سبب يڠ مواجبكن مندي.

دليل نقلي مندي واجب

القرآن

فرمان الله ﷻ:

وَإِنْ كُنْتُمْ جُنُبًا فَأَطَهَّرُوا...

(سورة المائدة، 5 : اية 6)

ترجمهن:

دان جك كامو برجنب (برحدث بسر)، مك برسوچيله (دغن مندي واجب)...

الحديث

عَنْ أُمِّ سَلَمَةَ أُمِّ الْمُؤْمِنِينَ رَضِيَ اللَّهُ عَنْهَا قَالَتْ: جَاءَتْ أُمَّ سُلَيْمٍ امْرَأَةَ أَبِي طَلْحَةَ إِلَى رَسُولِ اللَّهِ ﷺ فَقَالَتْ: يَا رَسُولَ اللَّهِ، إِنَّ اللَّهَ لَا يَسْتَحْيِي مِنَ الْحَقِّ، هَلْ عَلَى الْمَرْأَةِ مِنْ غُسْلِ إِذَا احْتَلَمَتْ؟ فَقَالَ رَسُولُ اللَّهِ ﷺ: نَعَمْ، إِذَا رَأَتْ الْمَاءَ.

(متفق عليه)

ترجمهن:

أم سلمة، أم المؤمنين رَضِيَ اللَّهُ عَنْهَا، بركات بهاوا أم سليم، ايس تري أبو طلحة منموي رسول الله ﷺ لالو بركات، ”واهاي رسول الله ﷺ، سسوغكوهن الله ﷺ تيدق مالو قد سسواتو كبنرن. اداكه فرمفوان واجب مندي اڦاييلا ڊي برميمڦي (برستوبوه)؟“ رسول الله ﷺ منجواب، ”يا، سكي راڻ ڊي مليهت اير مني.“

- پاتاكن مقصود مندي واجب دان پاتاكن دليلن.
- نيلاي: جاك كبرسيهن جسماني دان روحاني.



4.6.1

نوننا كورود

فرکارا یغ مواجبن مندي



کالري کات



حِيض: داره کوتور یغ کلوار دري فغکل رحيم وانيتا یغ تله بالغ دالم کأدأن صيحت قد وقتو ترنتنو.

ولادَه: فرويسيس کلاهيرن اتق سام اد دغن کلوار داره اتاوقون تيدق.

نفاس: داره یغ کلوار سلغس کلاهيرن اتق اتاو سسوده ککوکورن یغ پات سبهاکين بنتوق اتق.

فرکارا یغ مواجبن مندي باکي للاکي دان فرمقوان

ماتي سلاين
ماتي شهيد

جماع

کلوار مني

فرکارا یغ مواجبن مندي باکي فرمقوان

نفاس

ولاده

حیض

کونجي علمو



داره استحاضة اياله داره فپاڪيت یغ کلوار دري فغکل رحيم وانيتا. داره اين کلوار قد وقتو سلاين وقتو حیض دان نفاس. داره اين بريذا ورننا دان کشفکتتن دغن حیض. داره اين بوکن فرکارا یغ مواجبن مندي.

لارغن سماس برحدث بسر



لارغن کتيک برحدث بسر باکي للاکي دان فرمقوان

مماچ، مپنتوه
دان ممباوا
مصحف القرآن

طواف

برهنتي اتاو
دودوق دالم
مسجد

صلاة فرض
دان سنة

لارغن تمهن کتيک حیض دان نفاس باکي وانيتا

جماع

قواسا فرض
اتاو قواسا
سنة

اكتيوي تي



افاڪه قاعده اونتوق مڭحفظ القرآن کتيک حیض، نفاس دان ولادَه؟ بينچغکن.

- ميتنا مورید ممبينا فتا فميکيرن یغ منونجوقکن فرکارا یغ مواجبن مندي دان لارغن سماس برحدث بسر.
- ميتنا مورید منجاري معلومت لنجوت تنتغ فريذآن انتارا حیض دغن استحاضة.



4.6.2
4.6.3

لونا کوروز

چارا، روکون دان فرکارا سنه کتيک مندي واجب



فتونجوق:

● روکون مندي واجب

● فرکارا سنه کتيک مندي واجب

2 مراتاکن اير کسلوروه
اغکوتا بادن، کوليت
دان رامبوت

1 نية مستي کتيک اير
سمقاي کمانا-مان
اغکوتا بادن

3 برسيهکن تاغن دغن
اير

2 برسيهکن قوبول دان دوبور دغن
تاغن کيري سمبيل منچگکوغ

1 باسوه فرکلغن
تاغن


6 باسوه کفاللا (تيگ کالي)
دان سلت رامبوت

5 دهولوکن منجيروس اير
کاغکوتا بادن سبله کانن

4 بروضوء

8 سمفورناکن باسوهن قد
ليقتن بادن

7 کوسوق بادن برتوروت-
توروت انتارا باسوهن
اغکوتا



کونچي علمو



لفظ نية مندي واجب:
نَوَيْتُ رَفَعَ الْحَدِّثِ الْأَكْبَرِ لِلَّهِ تَعَالَى.
 ترجمهن:
 سهاج اکو مئغکت حدث بسر کران الله تعالی.

اغکوتا بادن يغ فرلو
 دبريکن فرهاتين کتيک
 مندي واجب

- تونجوق چارا مراتاکن اير کسلوروه اغکوتا بادن تراوتاماں قد ليقتن بادن.
- ييمبيغ موريد مغل فستي فرکارا سنه کتيک مندي واجب.



4.6.4
4.6.5
4.6.6

نوننا کورور



السَّلَامُ عَلَيْكُمْ وَرَحْمَةُ اللَّهِ وَبَرَكَاتُهُ. الْحَمْدُ لِلَّهِ رَبِّ الْعَالَمِينَ، وَالصَّلَاةُ وَالسَّلَامُ عَلَى أَشْرَفِ الْأَنْبِيَاءِ وَالْمُرْسَلِينَ وَعَلَى آلِهِ وَصَحْبِهِ أَجْمَعِينَ، وَبَعْدُ،

مورید ۲ یغ درحمتی اللہ ﷺ سکالین، ساي فرچاي بهاوا سبهاکین درقد کامو تله بالغ. جک کامو تله بالغ، فستی کامو بر فغالمن ملقساناکن عبادة مندی واجب، سام اد کران کلوار منی اتاوقون حیض. فرسوالنش ایاله مغافاکه کامو فرلو مندی واجب؟

مندى واجب ایاله عبادة یغ دلقساناکن کران سوروهن اللہ ﷺ دان عملن سنه رسول اللہ ﷺ. مک، سسیاڤا یغ ملقساناکنش اکن دبري کنجرن قهالا اولیه اللہ ﷺ. دغن مندی واجب، سکالا عبادة لاین یغ دحرامکن کتیک بر حدث بسر بولیه دلقساناکن سمولا.

سلااین ایت، دغن مندی واجب، کسکرن بادن یغ لسو دان قنت داقت دکمبالیکن. مندی واجب جوک داقت مغهیلغکن باؤو قلوه دان داره. عملن این داقت ممبرسیهکن بادن درقد کوتورن دان کومن یغ بولیه ممباوا قپاکیت.

حکمه مندی واجب باکی جنازه قولا، مندی داقت ممبرسیهکن دان منجاکی عایب مریک دغن مغهیلغکن باؤو، نجیس سرتا سبارغ کوتورن تراخیر یغ اد قد بادنش سبلوم دکبومیکن.



اخیر کات، مورید ۲ فرلو بلاجر چارا ملقساناکن مندی واجب دغن سمفورنا. اللہ ﷺ تیدق مواجکمن مندی اونتوق مپوسهکن کیت تتافی اللہ ﷺ مواجکمن مندی کران دی ایغین ممبرسیهکن دان مپمفورناکن نعمتن کقشد قارا همباش. مک براونتوغله اورغ یغ مندی دغن سمفورنا. موک اللہ ﷺ مرحمتی کیت سموا. امین.

- ییمیغ مورید مروموسکن حکمه مندی واجب درقد ایسی تذکرة.
- مینتا مورید منچاری حکمه لاین باکی مندی واجب دالم اینترنیت.





مندي سنة مروفاكن عملن يڭ دكالككن اونتوق توجوان ترنتنو. انتارا چونتوه مندي سنة ترماسوقله:



چتوسن ميندا



اندا مپرتاي سواتو اکتیویتي قد هاري جمعة. اکتیویتي ترسيوت تامت کتيک همقير وقتو ظهر. اندا ترکسا- کسا اونتوق برسياف کمسجد باکي منونایکن صلاة جمعة. افاکه کأوتامان اندا؟ فولغ کرومه اونتوق مندي سنة اتاو تروس کمسجد؟

- مينتا مورید مپاتاکن وقتو يڭ دسنهکن مندي.
- مينتا مورید مپنارايکن مندي سنة يڭ بوليه دعمکن سچارا برکالا.



4.6.8
4.6.9

نوننا کورود



سچارا برکومقولن، حاصیلکن سبواه بوکو سڪراف تنتغ مندي واجب باکي ساتو درفد سیتواسي برایکوت:

- ◀ اورغ یغ ماتي عاقبة کمالغن دان برکچاي توبوه بادنث.
- ◀ اورغ یغ ماتي کران ساکیت اید س.
- ◀ اورغ یغ ماتي رنتوغ دالم کباکرن.
- ◀ سکومقولن مائسي یغ ماتي دهمقف باغونن دان برچمفور توبوه بادنث.
- ◀ اغکوتا بادن یغ دثوتوغ کران سسواتو قپاکیت.

فنیلین



- 1 پاتاکن مقصود مندي واجب.
- 2 تویس دلیل نقلي مندي واجب.
- 3 جلسکن فرکارا یغ مواجبکن مندي.
- 4 سنارایکن لارغن سماس برحدث بسر دالم بنتوق فتا قمیکیرن.
- 5 ترغکن روکون مندي واجب.
- 6 سنارایکن فرکارا سنة کتیک مندي واجب.
- 7 ترغکن حکمه مندي واجب.
- 8 پاتاکن چونته ۲ مندي سنة.

انیسه داتغ کسکوله دالم کأدان حیض. حیضن برهنتي فد فوکول 9.00 فاکي. فد هاري ترسبوت، سکوله منجالنکن اکتیويٽي کوریکولوم. این برمعنا، انیسه هاڻ دبرکن بالیق فد فوکول 5.00 فتغ، سدغکن انیسه فرلو مندي واجب اوننتوق ممبولیهکنش صلاة فرض ظهر دان عصر.



باکایمانا که اندا دافت ممبنتو انیسه مپلسایکن مسئلھن؟

- 10 پاتاکن لگه ۲ اوننتوق ملقساناکن مندي واجب یغ بتول.

صلاة مرچو کجایان

مقصود صلاة



صلاة ایاله تیاغ اکام اسلام یغ منجادی فچهوبوغ انتارا همبا دغن فنجیقتان. صلاة مروفاکن عبادة یغ قالیغ اول دشریعتکن دان عملن یغ مولا ۲ اکن دهیتوغ قد هاری اخیره. مقصود صلاة دري سکی بهاس دان ایستيله ایاله:

بهاس: دعاء

ایستيله: فربواتن دان فرکاتان ترتتو یغ دمولا یی دغن تکبیره الاحرام دان دأخیری دغن سلام.

صلاة مولا دفرضوکن قد مالم اسراء دان معراج، یأیت دوا تاهون سبلوم هجره. عبادة این مروفاکن تونتوتن فرض عین کفد ستیاف مکلف برداسرکن فرمان الله ﷻ:

وَأَقِمْوُا الصَّلَاةَ وَآتُوا الزَّكَاةَ وَارْكَعُوا مَعَ الرَّاكِعِينَ ﴿٤٣﴾

(سورة البقرة، 2 : اية 43)

ترجمهن:

دیریکنله صلاة، تونایکنله زکاة، دان رکوعله (برجماعة) برساما-سام دغن اورغ ۲ یغ رکوع (صلاة).

ایة القراءان این دسوکوغ اولیه حدیث نبی ﷺ یغ دروایتکن اولیه عبد الله بن عمر رضی الله عنهما بهاوا رسول الله ﷺ برسبدا:

بُنِيَ الْإِسْلَامُ عَلَى خَمْسٍ شَهَادَةِ أَنْ لَا إِلَهَ إِلَّا اللَّهُ، وَأَنَّ مُحَمَّدًا رَسُولُ اللَّهِ، وَإِقَامِ الصَّلَاةِ، وَإِيتَاءِ الزَّكَاةِ، وَحَجِّ الْبَيْتِ، وَصَوْمِ رَمَضَانَ .

(متفق عليه)

ترجمهن:

اسلام تربینا اتس لیم فرکارا، یأیت برسقسی بهاوا تیاد توهن یغ لایق دسمبه ملائینکن الله ﷻ دان نبی محمد ﷺ فسوروه الله، مندیریکن صلاة، مغلوارکن زکاة، مخرجاکن حج دبیات الله، دان برقواسا قد بولن رمضان.


- مینتا مورید منجلسکن مقصود صلاة دان دلیل نقلی کواجیقن صلاة.
- مینتا مورید منجاری معلومت تنتغ کفرضوان صلاة دالم فریستیاوا اسراء دان معراج.
- الوکن نشید ”سقهون کایو“ برساما-سام دغن مورید سچارا برامای-رامای.



4.7.1
4.7.2

نوننا کوروز

شرط واجب دان شرط صح صلاة



فرکارا یغ ممبطلکن صلاة



صلاة سسأورغ بطل افايلا برلاکو ساتو درقد فرکارا یغ برایکوت دالم صلاة:

- 1 برحدت سلوم سلام یغ فرتام.
- 2 برچاکف دغن سغاج والاقون سدیکیت.
- 3 منیغکلکن ساتو درقد روکون صلاة.
- 4 هیلغ ایغتن کران کیلا، فیتم اتاو مابوق.
- 5 ترکنا نجیس قد فاکاین، بدن اتاو تمفت صلاة.
- 6 فرقرن اغکوتا بسر سفرتی کفالا، بدن، تاغن دان کاکي سبایق تیگ کالی برتوروت-توروت.
- 7 بردهیم، کتاوا، مناغیس قوات، مرغ مغرغ کساکیتن اتاو مغهمبوس دغن مولوت اتاو هیدوغ جک ظاهر دوا حروف اتاو ساتو حروف یغ دافت دهمی.
- 8 ماکن اتاو مینوم.
- 9 مرتد.
- 10 برقالیغ دادا درقد اره قبله.
- 11 تربوک عورة دغن سغاج.
- 12 برنیة اونتوق ممبرهنتیکن صلاة اتاو براوبه نیة.

• مینتا مورید میاتاکن شرط واجب دان شرط صح صلاة.
• کموکاکن سیتواسی تنغ فرکارا یغ ممبطلکن صلاة دان مینتا مورید ممبوات اولسن.



4.7.4
4.7.8

روكون صلاة

رودا روكون صلاة

السَّلَامُ عَلَيْكُمْ وَرَحْمَةُ اللَّهِ

نَبِيٌّ

اللَّهُ أَكْبَرُ

اللَّهُ أَكْبَرُ

اللَّهُ أَكْبَرُ

اللَّهُ أَكْبَرُ

اللَّهُ أَكْبَرُ

اللَّهُ أَكْبَرُ



- جلسکن کفد مورید کونسیف نية یغ بتول فرلو مغاندوغي قَصد، تَعَرُض دان تَعین.
- مینتا مورید منجلسکن دان منونجوق چارا ستیاف روكون دالم صلاة مغيکوت ترتیب.
- مینتا مورید منوتون ویدیو عملي صلاة درقد ایمبس کود قیو. ار. کمودین جواب سوالن یغ دکموکاکن.



4.7.6

سنہ ہیئات

- ◀ مغلکت تاغن کتیک تکبیرہ الإحرام،
- ◀ رکوع، اعتدال دان باغون دری تحیة اول
- ◀ ملتقن تاغن کانن دأتس بلاکغ تاغن کیری کتیک بردیری
- ◀ ملیهت تمثت سجود
- ◀ ممباچ دعاء افتتاح
- ◀ ممباچ استعاذة سلوم ممباچ سورة الفاتحة
- ◀ مپیوت "آمین" سلفس ممباچ سورة الفاتحة
- ◀ ممباچ سچارا قوات (جَهْر) دان سچارا
- ◀ قرلاهن (سِرّ) قد تمثت ۲ ترتنتو
- ◀ ملفظکن تکبیر کتیک برقینده دری ساتو
- ◀ روکون کساتو روکون یغ لاین
- ◀ ممباچ مان ۲ ایه القرآن
- ◀ ممباچ تسبیح کتیک رکوع دان سجود
- ◀ ملتقن کدوا-دوا تاغن دأتس فها کتیک
- ◀ دودوق تحیة اول دان اخیر
- ◀ دودوق تَوْرُک کتیک تحیة اخیر دان دودوق
- ◀ اِفْتِرَاش قد تمثت سلاینن
- ◀ ممباچ صلوات اِبْرَاهِیْمِیة
- ◀ برقالیغ ککانن کتیک ممبری سلام قرنام
- ◀ ممبری سلام کدوا

کونچی علمو



دودوق
تَوْرُک



دودوق
اِفْتِرَاش



تاهوکه اندا فریذان انتارا سنه هیئات دغن سنه ابعاض؟
سنه هیئات: فرباتن سنه یغ جک دتیغکلکن تیدق فرلو سجود سهوی.
سنه ابعاض: فرباتن سنه یغ جک دتیغکلکن تیدق ممبطلکن صلاة، تتافی سنه دکنتی دغن سجود سهوی سلوم ممبری سلام.

سنه ابعاض

- ◀ دودوق تحیة اول
- ◀ ممباچ تحیة اول
- ◀ صلوات کفد نبی محمد ﷺ سلفس تحیة اول
- ◀ صلوات کفد کلوارک نبی محمد ﷺ سلفس تحیة اخیر
- ◀ ممباچ دعاء قنوت قد وقتو صبح
- ◀ بردیری کتیک ممباچ دعاء قنوت
- ◀ صلوات کفد نبی محمد ﷺ دان کلوارک بکیندا
- ◀ کتیک ممباچ دعاء قنوت

کونچی علمو



سجود سهوی دلاکوکن اونتوق منمقوغ ککورغن دالم صلاة یغ برلاکو سام اد سچارا سغاج اتاو ترلوقا.
باچان کتیک سجود سهوی: **سُبْحَانَ مَنْ لَا یَنَامُ وَلَا یَسْهُو.**
ترجمهن: مها سوچی الله ﷻ یغ تیدق تیدور دان تیدق لوقا.

- مینتا مورید منجلسکن فریذان انتارا سنه ابعاض دغن سنه هیئات.
- مینتا مورید ملفظکن باچان کتیک سجود سهوی برامای-رامای.



4.7.7

بونا کوروز

عاقبة منيغلكن صلاة



اورغ يغ منيغلكن صلاة بردوسا بسر. انتارا عاقبة منيغلكن صلاة ترماسوقله:
1 منجادي قتهوني نراك برداسر كن فرمان الله ﷻ:

مَا سَأَلَكُمْ فِي سَقَرٍ ۚ قَالُوا لَمْ نَكُ مِنَ الْمَصَلِينَ ۚ (٤٣)

(سورة المدثر، 74 : اية 42-43)

ترجمهن:

اڤاكه يغ مپيكن كامو ماسوق نراك سقر؟ مريڪ منجواب، ”كران كامى دهولو اورغ ٢ يغ منيغلكن صلاة“.

2 بوليه منجادي كافيِر جڪ منولق كفرضوان صلاة.


عَنْ أَبِي سَفْيَانَ رَضِيَ اللَّهُ عَنْهُ قَالَ: سَمِعْتُ جَابِرًا رَضِيَ اللَّهُ عَنْهُ يَقُولُ: سَمِعْتُ النَّبِيَّ ﷺ يَقُولُ: إِنَّ بَيْنَ الرَّجُلِ وَبَيْنَ الشِّرْكِ وَالْكَفْرِ تَرْكُ الصَّلَاةِ.

(مسلم)

ترجمهن:

منوروت أبو سفیان رضی اللہ عنہ، دي قرنه مندغر جابر رضی اللہ عنہ برکات بهاوا دي مندغر رسول الله ﷺ برسبدا، ”(قريذان) انتارا سساورغ ايت دغن شيريك دان كفور اداله منيغلكن صلاة“.

حکمه صلاة



- مينتا موريد منرغکن عاقبة منيغلكن صلاة برسرتا دليل نقلي.
- مينتا موريد مغاءيتکن حکمه صلاة دالم كهيدوفن مريڪ.



4.7.3
4.7.9

نونان کورود

کلبیهن صلاة دري سائین س



کونچي علمو



ساعت یغ فالیغ همشیر باکي
سأورغ همبا کتیک برهادفن
دغن توهنن اداله کتیک
سجود. اولیه ایت، باپقکنله
بردعاء کتیک سجود.

کاجین سائیتیفیک تله ممبوقتیکن بهاوا قد ستیاف فر کرقرن
صلاة تردافت فلباکاي کلبیهن سرتا منفعت کقذ فسیکولو کي
دان کصیحتن مائسی.

- ◀ بولیه ملوروسکن تولغ بلاکغ
- ◀ ممسرکن روغک دادا دان منجادي
- ◀ ساتو لاتیهن فرنفسن
- ◀ ملنچرکن فر کرقرن سندي سرتا دافت
- ◀ مغیلقکن فپاکیت ارتریتیس (arthritis)

کتیک بر دیری،
تکبیرة الاحرام دان قیام

- ◀ مغیلقکن ریسیکو فپاکیت تولغ بلاکغ
- ◀ ترافي اونتوق مراوت دان مغورغکن ساکیت فیغکغ
- ◀ ممبریکن کنتغن دان منیغکتکن کوسفادان

کتیک رکوع، اعتدال
دان طمأنينة

- ◀ منیغکتکن فغالیرن داره دان اوکسیکن کأوتق
- ◀ قدر دپوتن جنتوغ دان تکنن داره لبیه رنده دان بائق
- ◀ قارو ۲ دافت برکمبغ دغن بائق دان دافت مغیلقکن توبر کولوسیس (tuberculosis)
- ◀ منیغکتکن فنومفوان دان داي ایغتن سهیغک اوتق منجادي لبیه چردس
- ◀ فروسیس فرایدرن داره منجادي لنچر دان سمفورنا

کتیک سجود (سسوای)
دغن تاریقن کراویتی

- ◀ منیغکتکن قدر فمباکرن لمق دالم بادن
- ◀ ملنچرکن فغالیرن داره کجنتوغ
- ◀ مرندهکن ریسیکو فپاکیت جنتوغ

ممبیغکوقکن جاری کاکي
کتیک سجود، دودوق
اَفْتَرَاش دان دودوق تَوْرُک

7

اڭکوتا
سجود

داهي

دوا هوجوغ جاری
کدوا-دوا کاکي

دوا تافق تاغن

دوا لوتوت

- میتنا مورید ممبوات فر بندیغن انتارا کلبیهن صلاة منوروت القرءان دان حدیث دغن
- کلبیهن صلاة منوروت سائین س.
- میتنا مورید منرغکن کلبیهن صلاة دري اسشیک کصیحتن.



4.7.10

نونا خورو



1 محاسبه ډيري - ايوه صلاة

اد كاجين منداڅني بهاوا ترډاڅت كائين
انتارا وقتو صلاة فرض دغن څغاروه
هورمون دان كصيحتن توبوه ماءنسي.

- ◀ تونجوق چارا صلاة سچارا برڦاسغن
مليفوتي ڦر كارا سنة دان روكون.
- ◀ مينتا بنتوان راكن ۲ يځ ماهير باكي ممبنتو
ملقساناكن عملي صلاة دغن سمڦورنا.



2 محاسبه ډيري - ميكرو صلاة

- ◀ تونتون راقمن ڦرلاكون صلاة يځ دتايځن.
- ◀ سومبځ سارن ڦرلاكون صلاة يځ بتول دان يځ ساله.
- ◀ بائقي صلاة برداسر كن ڦنرځن كورو.

3 بوات كاجين دڦرڦوستاڪان اتاو دلامن سساوځ تنتځ كليهن وقتو ۲ صلاة ترهادڦ
كهيدوڦن ماءنسي.

كونچي علمو



معاذ بن جبل رضي الله عنه بركات بهاو رسول الله صلى الله عليه وسلم برسبدا،
”رَأْسُ الْأَمْرِ الْإِسْلَامُ وَعَمُودُهُ الصَّلَاةُ وَذِرْوَةٌ سَنَامِهِ
الْجِهَادُ“

(الترمذي، ابن ماجه دان أحمد)

ترجمهن:

اساس سڪالا اوروسن ايله اسلام، تياځن صلاة دان
ڦونچڦن جهاد.



- ايسي سناراي سيمق عملي صلاة موريد.
- ڦستين موريد ملقساناكن روكون قولي دان روكون فعلي دغن سمڦورنا.
- مينتا موريد منوتون ويديو درڦد ايمبسن كود ڦيو. ار دان لاكوكن اڪتيويٽي يځ دكهندي.




4.7.11

نونا ڪورڊ

خشوع دالم صلاة دان کفتنیغن



خشوع مروفاکن کونچی اوتام عبادة صلاة. سساورغ یغ خشوع دالم صلاتن اکن منداقت کجایان دان کبهاکیان هیدوف ددنیا دان دأخیره.



- مینتا مورید منجلسکن مقصود خشوع دالم صلاة دان کفتنیغن دالم کهیدوفن.
- سومیغ سارن فرکارا یغ فغهالغ خشوع دالم صلاة.



4.7.12
4.7.14

نونا کوردو

چارا منداقتکن خشوع دالم صلاة



اونتوق منداقتکن صلاة یغ خشوع، لښکه ۲ برایکوت فرلو دلاکوکن:

قران اغکوتا کتیک صلاة

- مات ملیهت تمفت سجود کتیک بر دیری
- تیدق برقالیغ، منجلیغ اتاو ملاکوکن فرکر قن یغ بوکن درقد فربواتن صلاة

سبلوم منونایکن صلاة

- منونایکن صلاة قد اول وقتو
- مپمشورناکن وضوء دغن منجاک سنة دان ادب-ادبش
- مندهولوکن صلاة سنة رواتب
- منجاوهکن تمفت صلاة درقد سکالا کڅکوان

قران هاتي کتیک صلاة

- یقین بهاوا الله ﷻ مڅاهوئی فرلاکوان کیت
- مراسکن ساوله-اوله کیت ملیهت الله ﷻ
- اتاو الله ﷻ ملیهت کیت
- مڅاضیرکن راس کرون ترهادف کهیتن الله ﷻ
- مڅکف صلاة یغ دتونایکن سباکای صلاة یغ تراخیر

قران عقل فیکیرن کتیک صلاة

- مهمی دان مڅحیاتی مقصود باچان دالم صلاة
- تیدق میکیکن حال ۲ کدنیان



اکتیویتی



- کلاسیفیکاسیکن فکتور لوارین دان فکتور دالمن یغ مڅهالغ خشوع کتیک صلاة.
- بینچککن باکایمان مڅاتسی سیتواسی تیلیفون بر دیری کتیک سدغ صلاة.

- لاتییه مورید مهمی مقصود باچان دالم صلاة سفرتی سورة الفاتحة اونتوق منداقتکن خشوع.
- جلسکن قران هاتي، عقل دان اغکوتا کتیک صلاة اونتوق منداقتکن خشوع.



4.7.13

نونان کورون



1 كاتكوريكن فركارا يڱ برايڪوت سام اد روكون، سنة هيئات، اتاو سنة ابعاض.

كاتكوري	فركارا	كاتكوري	فركارا	كاتكوري	فركارا
	مباج تحية اول	9	اعتدال	5	نية
	دودوق تحية اخير	10	مباج دعاء قنوت	6	مباج الفاتحة
	برصلوات كقد نبي ﷺ دالم تحية اخير	11	سجود	7	مباج سورة
	ممبري سلام يڱ كدوا	12	مباج تسييح كتيك سجود	8	ركوع

2 پاتاكن صح اتاو تيدق صح باكي مسئله يڱ برايڪوت:

- ◀ عبد الرحيم تيدق مغلكت تاغن كتيك تكبيرة الاحرام.
- ◀ عمران منوناينن صلاة ظهر تنفا مباج دعاء افتتاح.
- ◀ حفصه منوناينن صلاة فرض صبح تنفاي تيدق يقين ماسوق وقتو.
- ◀ يوسف ممبري سلام يڱ فرتام تنفا ممالينن موكان ككانن.
- ◀ ساره منوناينن صلاة دغن منوتوف عورة تنفاي تيدق مماكاي تلكوڱ.

فنيلاين



- 1 افاكه مقصود صلاة دري سكي بهاس دان ايستيله؟
- 2 جلسكن دوا حكمه صلاة دان دوا عاقبة مينغكلكن صلاة دالم كهيدوڱن موريد.
- 3 عبادة صلاة ممفو مينغكتكن تاهف كصيحتن مائسي.

- 4 جلسكن بنتوق ۲ فرلاكوان صلاة دان كسنن ترهادف سسواتو ڦياكيت.
- 5 كموكان فنداثف اندا مغاف مائسي سوكر خشوع كتيك صلاة.
- 6 چادغكن تيگ چارا اونتوق خشوع دالم صلاة.
- 7 برداسركن كرتن اخبار اين، بينچغكن فونچا مسئله يڱ دفاقركن.

• فربايق هلامن اين اونتوق توجوان اڪتيويٽي موريد.



بونا كورو



KBAT

PUASA TAPI TIDAK SOLAT

Soalan
Tidak berapa lama lagi bulan Ramadan bakal menjelma.
Soalan saya apakah hukum puasa seseorang yang tidak meninggalkan puasa tetapi malangnya tidak bersolat.

DI DALAM masalah meninggalkan solat, jika solat fardu

بيدغ سيرة



نبي محمد رسول فيلهن،
مماوا رحمة درقد توهن،
چونتهوي نبي سوري تلادن،
ايكوت اجرن سقنچغ زمان.

هيدوف برديكاري اخلاق ترفوجي،
كرجاي دچاري تيغكي مرواه ديري،
يقين اوسها ممبينا ديري،
برجاي دنياوي جوگ اخروي.

اسراء دان معراج انوكره توهن،
باكي مليهت ارتي كبسرن،
قغالمن لواس چره ماس دقن،
باكي منمقوه سگالا كسوليتن.

وجه برسري اخلاق ترفوجي،
مرنده ديري ستياف هاري،
امانه دبري دتوناي جنجي،
موره رزقي هيدوف دبركتي.

هجره دان جهاد جغكاو سمقادن،
برسام صحابت بينا كتمدونن،
ستياف ماس داقت كنجرن،
منجادي نبي ككاسيه توهن.

بيجق بستاري چكف ترفري،
خدمت دبري اومت دكاسيهي،
سغكيتا دجاءوهي سجهترا لاکي،
قمباغونن روحاني اساس مدني.


روایت هیدوف نبی محمد

صَلَّى اللهُ عَلَيْهِ وَسَلَّمَ

بیوداتا نبی محمد ﷺ

سیرة

فندیقین اسلام تیغکن 1



سلسیله کتورونن سبله باف دان ایبو نبی محمد ﷺ

نام	محمد بن عبد الله بن عبد المطلب بن هاشم
نام لائین	أحمد، المَاحِي، الحاشِر، العاقِب
كلرن	الأمین
تاریخ دان	12 ربیع الأول، تاهون كاجه
تمقت لاهیر	دمكة
كُنِيَة	أبو القاسِم
ایبو	آمنة بنت وَهَب
ایبو سوسوان	نُؤبِيَة الْأَسْلَمِيَّة، حَلِيْمَة السَّعْدِيَّة
قُغاسوه	الشَّيْمَاء، أُمُّ أَيْمَن
ایستری	حَدِيْجَة بنت حُوَيْلِد سَوْدَة بنت زَمْعَة عَائِشَة بنت أَبُو بَكْر حَفْصَة بنت عُمَر زَيْنَب بنت خُزَيْمَة جُوَيْرِيَة بنت الحارث
انق	القاسِم، عبد الله، إبراهيم، زينب، رُقِيَة، أُمُّ كَلْثُوم دان فاطمة
تاریخ دان	12 ربیع الأول تاهون 11 هجرة دمدينه
تمقت وفاة	

صیفت فیزیکل نبی محمد ﷺ:

رسول الله ﷺ ممیلقی روفافارس یغ امت تمقن، سدرهان تیغکنی دان بربادن تکف. رمبوت بکیندا ایکل مایغ دان سنتیاس کلیهتن برمیق. سنتیاس کلیهتن چریا دان سیکق. مات هیتم بکیندا هیتم فکت دان بولو مات بکیندا لنتیق. قارا صحابت یغ منچریتاکن روفافارس بکیندا قستی برکات، ”اکو تیدق قرنه ملیهت اورغ لائین یغ ستدیغ دغن کتمقن نبی محمد ﷺ.“

کالری کات

کُنِيَة ایاله فغکلین کفد سساورغ دسمفیغ نام اتاو کلرن، دغن ملتقن ”أبو“ باکی للاکی دان ”أُم“ باکی فرمقوان دأول سسواتو نام.

- چریتاکن روایت هیدوف نبی محمد ﷺ برمولا دري كلاهيرن بکیندا.
- نیلاي: چینتا کفد رسول الله ﷺ.



5.1.1
5.1.6



سلوروه كهيدوفن نبي محمد ﷺ منجادي چونتوه تلادن كغد اومت اسلام. تردافت بيراف فريستيو فنتيغ دالم سيره نبي محمد ﷺ يغ فرلو كيت حياتي دان چونتوهي. انتاراث ترماسوقله:

سبلوم كرسولن

كرونولوكي فريستيو فنتيغ سبلوم نبي محمد ﷺ دلانتيق منجادي رسول اياله:

فريستيو	تيمشوه	عمور
بكيندا دقليهارا اوليه حليمة السعدية دفر كامشوغن بني سَعْدُ يَغ جءوه درقد عنصر نيكاتيف.	2 تاهون	سلفس كلاهيرن
دادا بكيندا دبه اوليه ملائكة جبريل.		4 - 2 تاهون
نبي محمد ﷺ تيغكل برساما-سام دغن اييو بكيندا. كتيك برعمور 6 تاهون، بكيندا دباوا ملاوت قبور باف بكيندا دمدينه. اييو بكيندا منيغكل دابوا دالم فرجالن فولغ كمكة.	2 تاهون	6 - 4 تاهون
نبي محمد ﷺ دقليهارا اوليه داتوق بكيندا، عبد المطلب، هيغك داتوق بكيندا منيغكل دنيا. سلفس ايت، نبي محمد ﷺ تيغكل قولا دغن باف ساودارا بكيندا، أَبُو طَالِب.	2 تاهون	8 - 6 تاهون
نبي محمد ﷺ مغيكوت أَبُو طَالِب، كشام. دفرتغهن جالن أَبُو طَالِب مندافت نصيحت درقد بَحِيرَا الرَّاهِب كتيك دباندر بُصْرَى، سمقادن شام سوقايا ممباوا فولغ نبي محمد ﷺ كمكة كران بيمبغ دبونوه اوليه اورغ يهودي.		12 تاهون
بكيندا برساما-سام دغن باف ۲ ساودارا بكيندا ميقسيكن حَلْفُ الْفُضُول، ياءت فرجنجين اونتوق ممبيلا اورغ يغ ترانياي دالم فرنياكأن.		20 تاهون
بكيندا مغمكبالا كميغ برساما-سام دغن ساودارا سوسوان دفر كامشوغن بني سعد كمودين دمكة.		

نبي محمد ﷺ دديديق اوليه الله ﷻ دغن كهيدوفن يغ منچابر سباكاي فرسدبان اونتوق دلانتيق منجادي رسول يغ اكوغ.

اعتبار

- چريتاكن قيصة كهيدوفن نبي محمد ﷺ برمولا دري كلاهيرن هيغك برعمور 20 تاهون.
- بينچغكن اعتبار درقد روايت هيذوف، فريستيو فنتيغ دان اخلاق نبي محمد ﷺ.



5.1.1
5.1.2

نوننا كوروز

25
تاهون

برداغ کشام

کتیک برعمور 25 تاهون، نبی محمد ﷺ برکچیمقوغ دالم فرنیاکان دلوار کوتا مکه المکرمة. بکیندا براوروس نیاک دغن سیدتنا خدیجة ﷺ، سآورغ وانیتا قریش یغ ساعت برهتا دان برهاتی مولیا. رسول الله ﷺ ممباوا بارغ داکن سیدتنا خدیجة ﷺ کشام دغن دبتو اولیه میسره، سآورغ فکرجا لاکي سیدتنا خدیجة ﷺ. سماس براد دشام، نبی محمد ﷺ منجالنکن فرنیاکان دغن فنوه جو جور دان امانه. اخیرث نبی محمد ﷺ ممباوا قولغ كأونتوغن یغ لوماین برکه کتکونن دان کماهیرن بکیندا.

صیفت کمولیان یغ فرلو دچونتوهی درقد فریستیوا این ایاله نبی محمد ﷺ:

اعتبار

- ◀ منونایکن امانه
- ◀ منداقت کفرچایان مشارکت
- ◀ ممقویای کرجای
- ◀ منجالنکن کرجا دغن ماهیرن دان بیجقسان

25
تاهون

برکھوین دغن سیدتنا خدیجة ﷺ

کونچی علمو



سآورغ لاکي انق نبی محمد ﷺ یغ برنام ابراهیم ﷺ ایاله حاصل فرکوغسین هیدوف بکیندا دغن ماریه القبطیه.

سکمبالین نبی محمد ﷺ قد کالی کدوا دری شام، سیدتنا خدیجة ﷺ مغمبیل کفوتوسن اونتوق برکھوین دغن نبی محمد ﷺ. فغالمن بلیاو براوروسن دغن نبی محمد ﷺ دان کمولیان اخلاق یغ دچریتاکن اولیه میسره سوده چوکوف منجادیکن هاتین ترفیکت دغن نبی محمد ﷺ. سیدتنا خدیجة ﷺ مغهانتر ساله سآورغ کاون رافتن، نفیسه بنت منبه اونتوق مپاتاکن حسرت ترسبوت کقد نبی محمد ﷺ. نبی محمد ﷺ منریما حسرت مولیا ترسبوت دان ممینغ سیدتنا خدیجة ﷺ ماللوی باف ساوداران عمرو بن أسد. حاصل فرکھوینن دغن سیدتنا خدیجة ﷺ نبی محمد ﷺ دکورنیای انم اورغ انق.

انتارا اخلاق مولیا نبی محمد ﷺ یغ مناریق فرهاتین سیدتنا خدیجة ﷺ ترماسوقله:

اعتبار

- ◀ جو جور
- ◀ مغحرمتی کلوارک
- ◀ منجاک ادب دان باتس فرکاولن

- چریتاکن فریستیوا فرنیاکان نبی محمد ﷺ دشام دان فرکھوینن بکیندا.
- بینجغکن اعتبار درقد روایت هیدوف، فریستیوا فتیغ دان اخلاق نبی محمد ﷺ.



5.1.2
5.1.3
5.1.4
5.1.5

نونا کورو

فريستيوا فلتقن حجر الأسود

کتیک نبي محمد ﷺ برعمور 35 تاهون، مکه دلندا بنجیر بسر سهیغک مرونتوهکن دیندیغ کعبه. قبيله عرب برفاكت اونتوق ممبايق قوليه کعبه. نبي محمد ﷺ توروبت ممتتو دالم فمبيناَن ترسبوت. افاييلا تيبا ماس اونتوق ملتقن سمولا حجر الأسود دفنچورو کعبه، برلاکو فربوتن انتارا کتوا قبيله سهیغک همقير برلاکو فرتومقهن داره.

اخيرث أبو أمية المَخزومي، ساورغ یغ دحرمتي دالم کالغن قبيله عرب مغاجوکن چادغن یغ دتريما سبولت سوارا. مریک برسديا منريما کفوتوسن اورغ فرتام یغ ماسوق کفینتو بني شيبه کتیک ایت. دغن تقدیر الله ﷻ اورغ فرتام یغ مماسوقین اiale نبي محمد ﷺ. سمو یغ ملیهت نبي محمد ﷺ ماسوق کمسجد برکات ”دياله الصادق الأمين (اورغ یغ بنر لاکي امانه)“.

نبي محمد ﷺ معهمقرکن رداء (سلیندغ) بکیندا کمودین ملتقن حجر الأسود دتغه- تغهئن. بکیندا ممینتا کتوا ۲ قبيله ممکغ هوجوغ رداء ترسبوت دان ممباواڻ براماي- راماي کفنچورو کعبه. لالو بکیندا معمبیل حجر الأسود دان ملتقن دتمشت اصل. مجلس ترسبوت برجالن دغن لنچر دان سمو یغ حاضر برقواس هاتي.

فعاچرن یغ داقت دامبیل درقد قیصه این اiale نبي محمد ﷺ:

- ◀ برصیفت تواضع
- ◀ توروبت سرتا دالم اکتیویتي کمشارکتن
- ◀ منريما امانه دغن فنوه تغکوغجواب
- ◀ مپلسایکن مسئله مشارکت دغن بیجقسان
- ◀ مندامایکن کهیدوڻ مشارکت

اعتبار

اکتیویتي



بوات سیمولاسي فلتقن حجر الأسود دغن معکوناکن رداء دان ریقلیکا حجر الأسود.

- چریتاکن فريستيوا فلتقن حجر الأسود دغن معکوناکن ریقلیکا حجر الأسود دان باهن موجود.
- بینچغکن اعتبار درقد روایت هیدوڻ، فريستيوا فنتیغ دان اخلاق نبي محمد ﷺ.



5.1.2
5.1.3
5.1.4
5.1.5

نونا کوروز

ايرا کرسولن نبي محمد ﷺ برمولا کتيک بکيندا برعمور 40 تاهون. کتيک ايت بکيندا سوک برسنديرين دکوا حراء اونتوق برعبادة دان مميکيرکن چارا مپلامتکن اومت درقد کسستن جاهيلية. قد سواتو هاري دالم بولن رمضان، بکيندا دداتغي ملائكة جبريل عليه السلام. جبريل عليه السلام مملوق ارت نبي محمد ﷺ تيک کالي دان مپوروه بکيندا ممباچ. ستياف کالي جبريل مپوروه بکيندا ممباچ، بکيندا منجواب، ”ساي تيدق تاهو ممباچ“. اخيرن جبريل عليه السلام مغاجر نبي محمد ﷺ وحي فرتام:

أَقْرَأْ بِأَسْمِ رَبِّكَ الَّذِي خَلَقَ ① خَلَقَ الْإِنْسَانَ مِنْ عَلَقٍ ② أَقْرَأْ وَرَبُّكَ الْأَكْرَمُ ③ الَّذِي عَلَّمَ بِالْقَلَمِ ④
عَلَّمَ الْإِنْسَانَ مَا لَمْ يَعْلَم ⑤

(سورة العلق، 96 : اية 5-1)

ترجمهن:

باچاله (واهاي محمد) دغن نام توهنمو يغ منچيقتا (سکالين مخلوق). دي منچيقتا ماءنسي درقد سکومقل داره بکو. باچاله، دان توهنمو يغ مها قموره. يغ مغاجر ماءنسي مالوئي فينا دان توليسن. دي مغاجر ماءنسي اف ۲ يغ تيدق دکتاهوئي.

کونجي علمو



- اورغ فرتام يغ برايما دان مپوکوغ دعوه بکيندا اياله:
- ◀ ايس تري بکيندا، سيدتنا خديجة ﷺ
- ◀ صحابت قريب بکيندا، سيدنا أبو بكر ﷺ
- ◀ سفوفو بکيندا يغ ماسيه کچيل، سيدنا علي بن أبو طالب ﷺ

ستله نبي محمد ﷺ منريما فرينته الله ﷻ اونتوق مپمفايکن دعوه، بکيندا منجالنکن توکس دعوه دغن کيکيه دان صبر. دعوه يغ دسمفايکن اوليه بکيندا مندافت سمبوتن درقد مشارکت عرب تراوتام همبا عبدي دان کولوغن يغ لمه. نامون بکيتو، اد جوک يغ منتغ دعوه نبي محمد ﷺ.

فغاجرن يغ داقت دامبيل درقد قيصة اين اياله نبي محمد ﷺ:

- ◀ تيدق سوک دغن کسستن مشارکت
- ◀ برعبادة دان برمناجات کفد الله ﷻ اونتوق مموهون فتونجوق
- ◀ منونايکن امانه اونتوق مپمفايکن دعوه
- ◀ برصبر دان استقامة مپمفايکن دعوه

تاريخ

- چريتاکن فريستيو نبي محمد ﷺ منريما وحي فرتام دان مپمفايکن دعوه.
- بينچغکن اعتبار درقد روايت هيدوف، فريستيو فتيتغ دان اخلاق نبي محمد ﷺ.



تونا کوروز

5.1.2
5.1.3
5.1.4
5.1.5

سیدتنا خدیجہ رضی اللہ عنہا سنتیاس ستیا ممفرتاھنکن دعوه نبی محمد ﷺ. دسمقیغ ایت، باف ساودارا نبی، أبو طالب ممبیللا نبی محمد ﷺ و الاوفون بلیاو تیدق مملوق اسلام. کماتین مریک بردوا ممبیکن نبی محمد ﷺ بردو کاچیتا. کدوکا ان نبی محمد ﷺ این تراوبت افا بیلا بکیندا دباوا مغمبارا میقسیکن ۲۱ کبسن اللہ ﷻ دالم فریستیوا اسراء دان معراج. یغ برایکوت ایاله کرونولوکی ریغکس فریستیوا اسراء دان معراج:

نبی محمد ﷺ دباوا فد وقتو مالم دری مَسْجِدِ الْحَرَامِ دَمَكَةَ كَمَسْجِدِ الْأَقْصَى دَفَلَسْطِينَ.

دالم فرجالنن، بکیندا دتونجوکن دغن فلباکای کمبرن یغ اکن برلاکو کفد اومت بکیندا.

بکیندا منجادی امام صلاة کفد فارا نبی دمسجد الأقصى.

بکیندا توروں کمکه سلوم صبح دان منچریتاکن فغالمن بکیندا کفد فندودوق مکه.

بکیندا مغهادف اللہ ﷻ دان منریما کفرضوان صلاة لیم وقتو.

بکیندا دباوا معراج مرتس توجوه لاقیسن لاغیت سهیغک کسدره المُنْتَهَى.

عَنْ جَابِرِ بْنِ عَبْدِ اللَّهِ رضی اللہ عنہ أَنَّ رَسُولَ اللَّهِ ﷺ قَالَ: لَمَّا كَذَبْتَنِي قُرَيْشٌ قُمْتُ فِي الْحِجْرِ فَجَلَى اللَّهُ لِي بَيْتَ الْمَقْدِسِ فَطَفِقْتُ أُخْبِرُهُمْ عَنْ آيَاتِهِ وَأَنَا أَنْظُرُ إِلَيْهِ.

(متفق عليه)

ترجمهن:

جابر بن عبد اللہ رضی اللہ عنہ مروایتکن بهاوا رسول اللہ ﷺ برسیدا: افا بیلا اورغ قریش مندوستاکنکو، اکو بردیری دحجر إسماعیل لالو اللہ ﷻ ممقرلیهتکن کفداکو بیت المقدس. لنتس اکو منچریتاکن کفد مریک صیفت ۲ بیت المقدس سمبیل ملیهت کفدان.

فریستیوا اسراء دان معراج ممبریکن اعتبار بهاوا نبی محمد ﷺ:

منجالنی اسراء معراج دغن روح دان جسد.

رسول تراخیر یغ ممباوا اجرن توحید سفرتی اجرن فارا رسول سلوم بکیندا.

منریما کفرضوان صلاة سچارا تروس درقد اللہ ﷻ سباکای عبادة یغ فالیغ اوتام دالم اسلام.

مندافت فرتولوغن اللہ ﷻ کتیک مممقایکن کبزن.

کتاب

- چریتاکن فریستیوا اسراء دان معراج.
- بینچغکن اعتبار درقد روایت هیدوف، فریستیوا فنتیغ دان اخلاق نبی محمد ﷺ.



نوتا کورر

5.1.2
5.1.3
5.1.4
5.1.5

اورغ كافيِر مكة برتندق مغلغ دعوه نبي محمد ﷺ دغن قُلبا كاي چارا. تردافت دالم كالغن صحابت يغ دسيقسا دان دبونوه. اخيرث نبي محمد ﷺ منداقت فرينته الله ﷻ اونتوق برهجره برساما-سام دغن قارا صحابت كمدینه (يُثرب). فريستيووا اين برلاكو 13 تاهون سلفس كرسولن بكيندا. دمي كفتنيغن دعوه، نبي محمد ﷺ مپاهوت فرينته ترسبوت مغلاروغي قُلبا كاي هالغن اونتوق برهجره كمدینه برساما-سام دغن سيدنا أبو بكر الصديق ﷺ. دغن فرانچغن يغ راقي، مريك اخيرث برجاي تيبا كمدینه دغن سلامت. سبلوم ايت، بكيندا سيغكه دُباء دان ممينا مسجد يغ قرتام دسان.

كونچي علمو



- قُفرغن قد زمان نبي محمد ﷺ:
- ◀ غزوة: قاسوقن تنترا اسلام يغ دقيمقن سنديري اوليه نبي محمد ﷺ (28 قُفرغن).
 - ◀ سرية: قاسوقن تنترا اسلام يغ تيدق دسرتاي اوليه نبي محمد ﷺ دان بكيندا ملانتيق ساورغ كتوا (امير) اونتوق ميمقن قُفرغن (54 قُفرغن) جومله سموا قُفرغن اياله 82.

دمدینه نبي محمد ﷺ ممينا قُمرينتهن يغ برترسكن وحي. بكيندا ممينا مسُجد نبوي، مفسر ساوداراكن مُهاجرين دغن انصار، دان مَعكوبل قياكم مدينة سباكاي اساس قُمتونقن نكارا.

دالم ممتونقن تمدون يغ اوغكول، نبي محمد ﷺ مغلادفي تنغن موسوه يغ چوبا مَعكوكت كُمانن مدينة. نبي محمد ﷺ برساما-سام دغن قوم مهاجرين دان انصار مغلرتهنكن مدينة درقد سرغن موسوه دغن سماغت جواغ يغ هيت. انتارا قُفرغن يغ دقيمقن اوليه نبي محمد ﷺ ترماسوقله قُفرغن بدر، اُحد، حَيبر، قُمبوكان مكة دان حُنين.

اكتيوي تي



- چاري معلومت سچارا بركومقولن بركاءتین دغن قُفرغن يغ دقيمقن اوليه نبي محمد ﷺ دان بنتعكن دغن مَعكوناكن چرتا لير.

قُفاجرن يغ دافت دامبيل درقد فريستيووا هجره دان كقيمقنن نبي محمد ﷺ ترماسوقله:

- ◀ نبي محمد ﷺ سغكوف برقربان دمي منكفكن اكام الله ﷻ.
- ◀ بكيندا ميمقاينن اسلام دغن سمقورنا دان قنوه امانه.
- ◀ بكيندا ممتونقن قُمرينتهن يغ عاديل برترسكن وحي.
- ◀ نكارا اسلام مدينة منجادي موديل نكارا اسلام تربايق.

- ايمبس كمبالي فريستيووا هجره دان قُمتونقن نكارا اسلام يغ دلاكوكن اوليه نبي محمد ﷺ.
- بينچغكن اعتبار درقد روايت هيدوف، فريستيووا قُنتيغ دان اخلاق نبي محمد ﷺ.





تر لالو بايق سومبغن نبي محمد ﷺ كقد تمدون اسلام.
انتاراڻ تر ماسوقله:

- ◀ ممبينا مشاركت برساتو فادو ممقر تاهنكن نكارا
- ◀ منجاديكن مسجد سباكاي فوست قمرينتهن دان فوست كمشاركتن دسمقيغ تمفت عبادة
- ◀ ممبنتوق اومت يغ فاتوه دان سغكوف بر قربان دمى كسوچين اسلام
- ◀ منجاديكن مدينة سباكاي نكارا تراوغكول دان منجادي چونتوه تمدون يغ كميلغ سهيغك دكلني سباكاي "المدينة المنورة" يغ برارتي كونا برچهاي

ستياف مسلم واجب منجيتاي نبي محمد ﷺ.
انتارا تندا چينتا كقد بكيندا ﷺ تر ماسوقله:

- ◀ مغيكوتي سنة نبي محمد ﷺ، ممتوهي فرينته دان منجاوهي لارغن بكيندا
- ◀ سنتياس مريندوي بكيندا نبي محمد ﷺ
- ◀ ممولياكن دان برتواضع اقايبلا مندغر نام نبي محمد ﷺ دغن برصلوات كاتس بكيندا
- ◀ منجيتاي اهل البيت (اورغ يغ اد فرتالين كلوارك دغن بكيندا) دان قارا صحابت (اورغ برايماں يغ سمفت برتمو نبي محمد ﷺ)

اعتبار

- ◀ نبي محمد ﷺ داوتوسكن اوليه الله ﷻ اونتوق مميمقين مائسي كجالن يغ بنر.
- ◀ كهيدوفن بكيندا دفنوهي دغن فرجواغن دان فغوربانن دمى كنيغكين اكلام اسلام.
- ◀ بكيندا ممبنتوق تمدون يغ سايمبغ دان سمفورنا يغ منجادي اساس كچمرلغن تمدون هاري اين.
- ◀ اومت مائسي امت ترهوتغ بودي دغن جاس نبي محمد ﷺ يغ تيدق اد تولوق بنديغ.

اكتيوتي



- ◀ تولىس اوچفن فوجي-فوجين دان مپاتاكن كچينتاان كقد نبي محمد ﷺ.
- ◀ الونكن صلوات كقد نبي محمد ﷺ برايماي-راماي.

63

تاهون

كوفاتن رسول الله ﷺ

ستله سمفورنا منجالنكن توكنس سباكاي رسول،
قد وقتو ضحى هاري اثنين 12 ربيع الأول،
تاهون 11 هجرة، درومه سيدتنا عائشة (رضي الله عنها)،
نبي محمد ﷺ دجمفوت كمبالي منموي فنچيقتان.
بريتا دوک كوفاتن نبي محمد ﷺ ككاسيه الله ﷻ اين معكمقركن فندودوق مدينة. جسد نبي محمد ﷺ يغ موليا دمقامكن درومه سيدتنا عائشة (رضي الله عنها).



- جلسكن سومبغن نبي محمد ﷺ ترهادف فمبنتوق تمدون اسلام دان فريستيو كوفاتن بكيندا.
- بينچغكن اعتبار درقد روايت هيدوف، فريستيو فنتيغ دان اخلاق نبي محمد ﷺ.



نونان كوروز


- 5.1.2
- 5.1.3
- 5.1.4
- 5.1.5
- 5.1.6



اوجی میندا اندا دغن فرماینن دباوه سمبیل برصلوات کفد نبی محمد ﷺ.

چارا فرماینن:

- فیلیه کد (ترترا قداث نومبور دان ورنایغ برییدا)
- برداسرکن نومبور دان ورنایغ تردافت قد کد فیلیهن، لاکوکن اکتیویتی یغ دمینتا فد فاقن فرماینن.



نشید ●

اعتبار ●

فریستیوا ●



اللَّهُمَّ صَلِّ وَسَلِّمْ عَلَي نَبِيِّنَا وَمَوْلَانَا مُحَمَّدٍ وَعَلَى آلِهِ وَصَحْبِهِ أَجْمَعِينَ.

فنیلاین



- 1 پاتاکن بیوداتا نبی محمد ﷺ.
- 2 جلسکن فریستیوا فنتیغ سبلوم دان سلقس کرسولن نبی محمد ﷺ.
- 3 ترغکن اخلاق رسول الله ﷺ دالم فریستیوا سبلوم کرسولن نبی محمد ﷺ.
- 4 هورایکن اعتبار درقد فریستیوا اسراء دان معراج دان هجره نبی محمد ﷺ.
- 5 باکایمانا که اندا منچونتوهی اخلاق نبی محمد ﷺ سکیرا اندا دلانتیق سباکای سآورغ قمیمشین دسکوله؟

برصلوات کفد نبی محمد ﷺ اداله انتارا بوقتی کچیتان کیت کفد نبی محمد ﷺ.

- 6 باکایمانا که اندا ممبوقتیکن کچیتان اندا کفد نبی محمد ﷺ دالم کهیدوفن اندا سلااین اوچفن صلوات؟



ایرا مشارکت جاهیلیه

مقصود جاهیلیه



جاهیلیه بر اصل درقد فرکاتان عرب "جَهْلٌ" یغ بر مقصود تیدق تاهو، بودوه اتاو جاهیل. فرکاتان جاهیلیه این دکوناکن دالم القرءان ملالوئی فرمان الله ﷻ:

وَقَرْنَ فِي بُيُوتِكُنَّ وَلَا تَبَرَّجْنَ تَبَرُّجَ الْجَاهِلِيَّةِ الْأُولَى ...
(سورة الأحزاب، 33 : ایه 33)

ترجمهن:

دان هندقله کامو تیغکل درومه کامو دان جاغنه کامو منددهکن دیری سفرتی یغ دلاکوکن اولیه اورغ جاهیلیه قد زمان دهولو...

کجاهیلن مشارکت عرب کتیک ایت بوکن بر مقصود مریک تیدق برعلمو. مریک ترکنل دغن کهیتن برشعیر دان برقصیده. نامون بکیتو، مریک جاهیل عقیده دان اخلاق.

جاهیل اخلاق

مریک بایق ملاکوکن فریلاکو بوروق سفرتی سوک منیندس فرمقوان دان همبا، برجودی سرتا مینوم ارق.

جاهیل عقیده

مریک مغانوت اجرن نبی ابراهیم دان نبی اسماعیل ﷺ تتافی منچمفورا دوککن دغن قسیمهن برهالا، عملن سیحیر دان خرافه.

• فافرکن کمبر سیتواسی مکه یغ سنتیاس براوبه سحق زمان جاهیلیه دان کمبر ۲ یغ منونجوکن فراوبهن ۲ فیزیکل بینان دمسجد الحرام. مینتا مورید بر فیکیر تنتغ فراوبهن سلاین فراوبهن ترسبوت.



5.2.1

نونا کورود



مشارکت عرب سېلوم کرسولن نبي محمد ﷺ دري سګي عقیده

اکام حنیف

قد مولان، ماجوریتی مشارکت عرب براکام دغن اکام حنیف. اکام حنیف ایاله اکام یغ دباوا اولیه نبي إبراهيم دان نبي إسماعیل ﷺ. اکام این اکام سماوي، سام سفرتي اکام اسلام. بوقتین داقت دلپهت قد چیری ۲ کفرچایان اکام حنیف یغ سام دغن اسلام، سفرتي:

- ◀ فرچای کفد الله ﷻ، توهن یغ ساتو
 - ◀ فرچای کفد هاري کبغکیتن دان هیدوڤ سسوده ماتي
 - ◀ فرچای کفد دوسا دان فهالا
- اجرن اکام حنیف یغ دتروسکن عملنن دالم شریعة اسلام سفرتي عبادة قربان، عبادة حج دان عمرة.

اکام څمبه برهالا

اکام این مولا دفرکنلکن اولیه عمرؤ بن عامر بن لحي، څمبمقین خُرَاعَة. دي منموکن اجرن ترسبوت دري نکري شام لالو ممباوا برهالا برنام ”هبل“ کمکه دان ملتقکنن ددالم کعبه. کمودین، دي ممرینتهکن سلوروه څندودوق مکه سوڅایا مپمبه برهالا ترسبوت. اکام این دچمڅورادوقکن دغن اکام حنیف سهیغک مونچول سباکاي اکام یغ منشیریکنن الله ﷻ.

اکام څمبهن برهالا این دسیرکن کفد سلوروه اورغ عرب کتیک موسیم حج. کتیک مکه برجای دبوک اولیه نبي محمد ﷺ، اد سباق 360 برهالا دسکیتر کعبه. کسموان دموسنهکن اولیه بکیندا دان قارا صحابت.

مشارکت عرب سېلوم کرسولن نبي محمد ﷺ
مغانوت باق اکام دان اجرن، انتاران:

اکام یهودي

اکام یهودي ایاله اکام سماوي یغ دأوبه سواي درقد اجرن نبي موسی ﷺ مڅیکوت کایغینن قارا څغانوتن. مریک باق ممفتنه قارا نبي دان منولق اجرن نبي محمد ﷺ. مریک داتغ دري فلسطین کنکارا عرب.

اکام نصراني

اکام نصراني ایاله اکام سماوي یغ دأوبه سواي درقد اجرن نبي عیسی ﷺ مڅیکوت کایغینن څغانوتن. مریک ممفرچایای نبي عیسی ﷺ سباکاي انق توهن. مریک داتغ دري حبشه دان روم. ابرهه، راج نصراني ممبينا تمشت عبادة بهارو دیمن اونتوق مپایغی څوڅولاریتی کعبه دمکه، نامون کاکل دغن څرتولوغن الله ﷻ. قیصه این تله دفاقرکن دالم سورة الفیل.

کفرچایان مجوسي

مجوسي ایاله کفرچایان یغ دانوتی اولیه کولوغن څمبه اڅي. قد مالم کلاهیرن رسول الله ﷺ، اڅي یغ دسمبه اولیه څغانوت مجوسي دڅرسي تله فادم. اڅي ترسبوت تیدق څرنه فادم سلاما 1000 تاهون سېلوم کلاهیرن رسول الله ﷺ.

کفرچایان انیمیسمی

انیمیسمی ایاله کفرچایان بهاوا ستیاف بندا ممڅوپای روح دان سماغت. اولیه ایت، څغانوت کفرچایان این مپمبه عالم سفرتي ماتاهاري، بینتغ دان څوکوق.

- جلسکن کادان مشارکت عرب سېلوم کرسولن نبي محمد ﷺ دري سګي عقیده.
- مینتا مورید منچاري معلومت تنتغ ساتو اکام کمودین منرغکنن دهادفن کلس.



توتا څورود

5.2.2

مشارکت عرب سېلوم کرسولن نبي محمد ﷺ دري سکي اخلاق



مشارکت عرب جاهيلية تر کنل دغن فریلاکو بوروق. نامون، مریک جوک ممقوپایي فریلاکو یغ بایق. فریلاکو بایق ترسوت دأعتراف سباکاي اخلاق محموده دالم اسلام. یغ برایکوت مروفاکن اخلاق بوروق دان اخلاق بایق یغ دعملکن اولیه مشارکت عرب جاهيلية.

کونچي علمو



سب لاین رسول الله ﷺ
دأوتوسکن کفد مشارکت
عرب ایاله:
◀ اداث کعبه یغ
دکونجوغي اونتوق
توجوان عبادة
◀ کایستیمیوان بهاس
دان بودایا عرب

اخلاق بوروق	اخلاق بایق
برجودي دان مینوم ارق	منقتي جنجي
قزنان دان فلاچورن برللواسا	براني، قوات دان فانتغ مپره کاله
مغعملکن بیکامي	منجاک کبرسيهن مولوت دان کوکو
قواریشن هرتا هان فد للاکي	تیدق مغهويني مریک یغ اد فرتالین داره
مببونه انق فرمقوان	مغحرمتي تنامو
مغعملکن تنوغ نصیب	طاعة کفد فیمیقین
برفرغ کران فرکارا یغ کچیل	مغحرمتي بولن حرام

فغوتوسن رسول الله ﷺ کفد مشارکت جاهيلية



رسول الله ﷺ دأوتوسکن کفد مشارکت جاهيلية کران بیراف سبب، یاءیت:

- 1 مشارکت جاهيلية ممقوپایي نیلاي نیکاتیف سفرتي سوک برجودي، برزنا، مینوم ارق سرتا مرندهکن مرتبت وانیتا. سلاين ایت، مریک جوک سوک مغعملکن خرافة دالم کهیدوثن. رسول الله ﷺ داتغ ممباوا اجرن یغ ممندو مریک کجالن یغ بنر. بکیندا دأوتوسکن اونتوق مپمقورناکن اخلاق. مشارکت عرب جاهيلية لیه موده دلنتور کران مریک بوتو حروف. حال این سچارا تیدق لغسوغ منجادي بوقتي کرسولن نبي محمد ﷺ کران بکیندا تیدق قرنه ممباچ اتاو ممقلاجري کتاب اکام سماوي دان اجرن اکام قوربا.
- 2 سممنجوغ عرب ترلتق دانتارا امفت کواس بسر دنیا فد وقتو ایت، یاءیت روم، فرسي، کریک دان ایندیا. کدودوقن یغ ستراتیکیک این منجادیکن اسلام موده ترسیبر کسلوروه تمدون دنیا دان فلباکاي بغسا کتیک ایت.

- جلسکن کادان مشارکت عرب سېلوم کرسولن نبي محمد ﷺ دري سکي اخلاق.
- ترغکن سبب رسول الله ﷺ دأوتوسکن کفد مشارکت جاهيلية.



5.2.3
5.2.4

بوتا کورو



1 انجوركن فوروم ددالم كلس اندا برتاجوق جاهيلية مودن. ايسي كاندوغن فوروم اداله تنتغ:

< فربنديغن انتارا نيلاي يغ اد قد مشاركت جاهيلية دغن بودايا يغ دعملكن اوليه مشاركت مودن قد هاري اين

< چارا براستقامة دغن نيلاي فوسيتيف دان چارا مغهيندري نيلاي نيكاتيف

2 بوات چارين معلومت تنتغ اساس كفرچايان اكلام يهودي دان نصراني يغ بريذا درقد اسلام.

3 تمو بوال امام كامقوغ اندا تنتغ اخلاق بايق دان اخلاق بوروق يغ دعملكن اوليه مشاركت ملايو اسلام. چاري جواغن باكي فرسوالن برايكون:

< افاكه اخلاق بايق عملن مشاركت ملايو اسلام قد ماس دهولو يغ تيدق لائي دعملكن كيني؟ كناف؟

< افاكه اخلاق بوروق عملن مشاركت ملايو اسلام قد ماس دهولو يغ تيدق لائي دعملكن كيني؟ باكاماناكه اخلاق بوروق ترسبوت برجاي دبنوغ؟

كونچي علمو



تمدون اسلام بر كمبغ كران:

- < ايمان يغ تيغكي
- < بودايا عمل صالح
- < كتيغكين علمو دان حكمه
- < فراوبهن (اصلاح) يغ
- < سسوي دغن زمان
- < جهاد ممقرتاهنكن
- < كتمدونن درقد سرغن

موسوه

فنيلاين



1 پاتاكن مقصود جاهيلية.

2 جلسكن كادان عقيدة دان اخلاق مشاركت عرب

سبلوم كرسولن نبي محمد ﷺ.

3 ترغكن سبب رسول الله ﷺ داوتوسكن كقد مشاركت جاهيلية.

4 هورايكن قغاجرن يغ داقت دامبيل درقد نيلاي نيكاتيف مشاركت عرب جاهيلية.

5 سباكاي موريد، افاكه تيندقن يغ داقت اندا لايكون اونتوق مغهيندري قغاروه جاهيلية مودن؟



كأوڭكولن قرجواغن خلفاء الراشدين

روایت هیدوف خلفاء الراشدين



خلفاء الراشدين اياله كلرن يغ دبريكن كفدامت اورغ صحابت رسول الله ﷺ يغ ممكغ جاوتن قمرينته كراجان اسلام سلفس كوفاتن بكيندا رسول الله ﷺ. مريك اياله:

- 1 خليفه أبو بكر الصديق ﷺ (11 – 13H / 632 – 634H)
- 2 خليفه عمر بن الخطاب ﷺ (13 – 23H / 634 – 644H)
- 3 خليفه عثمان بن عفان ﷺ (23 – 35H / 644 – 656H)
- 4 خليفه علي بن أبو طالب ﷺ (35 – 40H / 656 – 661H)

خلفاء الراشدين مروفاكن كولوغن يغ ترفيليه اونتوق مپامبوغ كاكسن دان كقيمقين رسول الله ﷺ. انتارا كأيستيميوآن مريك ترماسوقله سنتياس بردمقيغ دغن رسول الله ﷺ سوقتو هيدوف بكيندا سلاين ممقوپائي هوبوغن قرابه دغن بكيندا. چورق قمرينتهن مريك برلندسكن القران دان السنة سرتا منيتيقبرتكن كونسيغ شورى يغ دواريشي درقد رسول الله ﷺ. قمرينتهن مريك يغ برقوست دمدينه مغميل ماس سلاما لبيه كورغ 29 تاهون.

- بيمبيغ موريد مپاتاكن نام ۲ خلفاء الراشدين مغيكوت سوسونن.
- مينتا موريد مروجوع اينسيكلوفيديا سيره بركايتن دغن خلفاء الراشدين.



5.3.1

بیوداتا دان روایت هیدوف خلفاء الراشدین



خليفة كدوا

عمر بن الخطاب رضي الله عنه

- نام فثوه: عمر بن الخطاب بن نفيل بن عبد العزى
- تمثت دلاهيركن: دمكة
- تاهون لاهير: تاهون 584 م، 13 تاهون سلفس كلاهيرن رسول الله ﷺ
- كتورونن: بني عدي، قريش
- نام اييو: حنمة بنت هاشم
- كلرن: "الفاروق" (فميسه انتارا حق دغن باطل)
- منيغكل دنيا فد تاهون 23 هجرة كتيك براوسيا
- 63 تاهون عاقبة دتيكم اوليه ابو لؤلؤة فيروز الفارسي (همبا كقد المغيرة بن شعبة). بلياو دمقامكن دسيسي سيدنا ابو بكر رضي الله عنه

خليفة فرتام

أبو بكر الصديق رضي الله عنه

- نام فثوه: عبد الله بن عثمان بن عمرو بن كعب بن سعد بن تيم بن مرة بن كعب
- تمثت دلاهيركن: دمكة
- تاهون لاهير: تاهون 572 م، دوا تاهون سلفس كلاهيرن رسول الله ﷺ
- كتورونن: بني تيم، قريش
- نام اييو: أم الخير سلمى بنت صخر
- كلرن: "عتيق" (بييس درفد افي نراك) دان
- "الصديق" (اورغ يغ فاليج بنر دالم كاتا-كاتان)
- منيغكل دنيا فد تاهون 13 هجرة كتيك براوسيا
- 63 تاهون. بلياو دمقامكن دسيسي رسول الله ﷺ

خليفة كأمثت

علي بن أبو طالب رضي الله عنه

- نام فثوه: علي بن أبو طالب بن عبد المطلب بن هاشم بن عبد مناف
- تمثت دلاهيركن: دمكة
- تاهون لاهير: تاهون 599 م
- كتورونن: بني هاشم، قريش
- نام اييو: فاطمة بنت أسعد
- كلرن: "أبو تراب" (باق سي تانه)
- سوقتو كچيل بلياو دامبيل سباكاي انق اثغت اوليه نبي ﷺ
- بركهوين دغن فاطمة الزهراء، فوتري رسول الله ﷺ
- شهيد کران دتيكم اوليه عبدالرحمن بن ملجم قد مالم 17 رمضان تاهون 40 هجرة

خليفة كتيك

عثمان بن عفان رضي الله عنه

- نام فثوه: عثمان بن عفان بن أبو العاص بن أمية بن عبد شمس بن عبد مناف بن قصي بن كلاب بن مرة بن كعب
- تمثت دلاهيركن: دمكة
- تاهون لاهير: تاهون 576 م
- كتورونن: بني أمية، قريش
- نام اييو: أزوى بنت كرز
- كلرن: "ذو النورين" (يغ مميلقي دوا چهاي کران بلياو بركهوين دغن دوا فوتري رسول الله ﷺ، ياييت رقية دان أم كلثوم)
- منيغكل دنيا فد تاهون 35 هجرة فد اوسيا
- 80 تاهون کران دبونوه اوليه قمبرونتق دان دمقامكن دفرقبورن البقيع

• ترغکن روایت هیدوف خلفاء الراشدین.

• مینتا مورید منجلسکن صیفت اوتام ستیاف خلفاء الراشدین دالم بنتوق فتا میندا.



بونا خورو

5.3.1
5.3.2



ستیاف خلیفہ ممقویای چیری دان صیفت ۲ یغ فنوه کمولیاءن. کفریادین مریک همقیر سام انتارا ساتو دغن یغ لاءین، نامون تیدق تربندیغ اولیه مائسی بیاسا. کامقت-امقت خلیفہ تله دجنجیکن شرک اولیه رسول الله ﷺ.

عمر بن الخطاب رضی اللہ عنہ خلیفہ کدوا

- ساورغ یغ برفرواقن کرس، سوک برادو کقواتن دان ساغت چکف منوغکغ کودا.
- ساورغ صحابت یغ ساغت برانی. چونتوهن بلیاو برحجره قد وقتو سیاغ دان سچارا ترغ-ترغن.
- ممیلیقی کچردسن یغ لوار بیاسا، سهیغک باقی قنداقت بلیاو یغ برتقتن دغن فرمان الله ﷻ.
- ساورغ یغ برفغتاھوان تیغکی سرتا چوکوف اکاماڻ.

علی بن أبو طالب رضی اللہ عنہ خلیفہ کامقت

- مروفاکن فغلیما فرغ یغ برانی دان کاکه فرکاس. چونتوهن دالم فرغ خندق بلیاو تله برلاون ساتو لاون ساتو دغن قھلاون قریش یغ لبیه برفغالمن، یاءیت عمرو بن وڈ العامری دان برجای منیواسکنڻ.
- قنڊای برقیداتو، هندل برمائین قدغ، ممانه دان منوغکغ کودا.
- قنڊای منولیس دان ممباچ سهیغک بلیاو دلانتیق منجادی ساله ساورغ فنولیس وحی.
- ساغت قینتر دان ماهیر دالم بیدغ فرائض، القراءن، حکوم ۲ شرع، بهاس دان سسترا سرتا قوات دای ایغتن سهیغک ممقو معھفظ سلوروه القراءن.

أبو بکر الصديق رضی اللہ عنہ خلیفہ فرتام

- ساورغ صحابت یغ ساغت فموره. چونتوهن بلیاو ممبلی دان ممردیکاکن ستیاف همبا یغ دسیقسا سقرتی بلال بن رباح دان عمار بن یاسیر. صیفت بلیاو یغ فموره این تله مندافت فوجین رسول الله ﷺ دغن سبدا بکیندا: ”سای تیدق تاهو، اداکه ماسیه اد اورغ یغ ملیھی أبو بکر دری سکی کمورهن هاتی“.
- ساورغ یغ برانی. کبرائین بلیاو دافت دلپهت کتیک بلیاو سلالو ممببلا رسول الله ﷺ یغ چوبا دبنوه اولیه قوم بکیندا سماس دمکه.
- ساورغ هرتاون یغ درماون دان باقی ممبلنجاکن هرتاڻ کجالن الله ﷻ.
- ساورغ یغ چینتا اکن کبرن سرتا ممقویای سماعت ستیاکاون یغ تیغکی.
- ساورغ یغ لمبوت هاتین دان موده مناعیس تراوام کتیک ممباچ القراءن.

عثمان بن عفان رضی اللہ عنہ خلیفہ کتیک

- ترکنل سباکای ساورغ یغ ساغت قمالو دان لمه لمبوت سهیغک رسول الله ﷺ فرنه برسبدا کفد فارا صحابت: ”تیدقکه اغکاو مالو کفد لاکي یغ ملائکه سندیری مالو کفدان؟“
- ترکنل دغن صیفت درماون دان فموره. بوقیتین بلیاو باقی مندرما اونتوق فرغ تبوک، ممبلی فریکی رومه اونتوق ککونان اومت اسلام، مندرما 1000 ایکور اونتا دغن مواتن کفد اومت اسلام یغ سوسه.
- سوک ممبنتو اورغ ۲ یغ براد دالم کسوسهن خصوصن کفد قوم کلوارک دان سانق ساودارا تردکت.



سومبغن خليفه أبو بكر الصديق رضي الله عنه

فوليتيك

منروسكن چيتا ۲ رسول الله صلى الله عليه وسلم مڭهاتر فاسوقن أسامة بن زيد كسمقادن نكري شام اونتوق ممرغي كراجان روم تيمور (Byzantine).

اكام

ممرغي كولوغن يڭ اڭكن ممباير زكاة، كولوغن يڭ مرتد دان نبي فلسو. خليفه أبو بكر رضي الله عنه تله ممبتوق 11 فاسوقن اڭكن فرغ اونتوق مڭهادفي قوم مرتد يڭ ممبروتتق دسرات فلو سوق تانه عرب.
ستله تمت فرغ يمامه، بايق تنترا اسلام ماتي شهيد ترماسوقله فارا فڭحفظ القران. اتس نصيحت سيدنا عمر بن الخطاب رضي الله عنه، خليفه أبو بكر رضي الله عنه تله مڭارهكن زيد بن ثابت سوفايا مڭتوئي اوسها مڭهيمقونكن القران يڭ ترتوليس قد باتو، كوليت حيوان، داون دان حفظن فارا حافظ. سالينن ايه القران يڭ دهيمقونكن ايت كمودين دسيمقن اوليه خليفه أبو بكر رضي الله عنه، سيدنا عمر بن الخطاب رضي الله عنه، سيدنا عثمان بن عفان رضي الله عنه دان حفصة (ايس تري نبي محمد صلى الله عليه وسلم).

سومبغن خليفه عمر بن الخطاب رضي الله عنه

جڭك ماس فمرينتهن خليفه عمر بن الخطاب داڭكف سباكاي زمان كامسن كراجان خلفاء الراشدين كران بايق قمبهاروان دان فراوبهن تله دلاكوكن. زمان فمرينتهن بلياو جوگ مروفاكن زمان فلواسن ولايه اسلام.

كنتراء	ايكونومي	سوسياي	فوليتيك
مڭمس كيني	منوبوهكن بيت المال	منتڭكن واڭ سارا	منوبوهكن مجلس شوري
اڭكن تنترا	ممقركنلكن فلباكاي	هيدوف كقد رعيت	ممبهاكيكن جاجهن
ممبري	جنيس چوكاي	برداسركن كأوتامان	اسلام كقد بيراف ولايه
كاجي كقد	سقرتي جزية دان	دان فرجواغن مريك	دان دتدبير اوليه كابنور
كابنور دان	خراج	مڭاساسكن تقويم اسلام	منوبوهكن جابتن تنترا،
تنترا يڭ	ممينا تروسن دان	ممقركنلكن اوندغ ۲	جابتن فوليس، جابتن
برجواڭ	تالي اير اونتوق	ڭنتديرن تانه	فرچوكاين دان جابتن
	مڭايري كاوسن		قربنداهاران نكارا
	قرتانين		

• مينتا موريد منرڭكن سومبغن خلفاء الراشدين دالم بنتوق فتا ميندا.
• برينجڭ دغن موريد تنتڭ سومبغن مريك كقد نكارا.



سومبغن خليفه عثمان بن عفان

خليفه عثمان بن عفان رضي الله عنه تله مڭكاريسكن بيراڧ فوليسي بهارو فمرينتهن بلياو. بيراڧ فراوبهن يڭ دلاكوكن ملييتكن كجاجيقن رعيت، فوليتيک، ايكونومي، كئنتراڻ دان فمبهاروان دري سودوت اكام.

سوسيال ◀ براوسها مئيغكتكن فنداڧتن رعيت دغن ممبيري فلواڭ فكرجائن



توليسن القرعان تنفا بارس فڊ
زمان سيدنا عثمان

فوليتيک ◀ ممفر كئلكن سيستم فروتو كول دالم فئتديرين
مغو كوهكن قرانن بيت المال اونتوق ممبيايائي
فمباغونن نكارا

كئنتراڻ ◀ مغو كوهكن فرتاهنن نكارا دغن ممبينا اغكتن تنترا
لاوت باكي ممبسمي فمبروتقن دان فنعلقن

اكام ◀ ممبنتوق جاوتنكواس اونتوق مپالين سمولا اية القرعان يڭ دكئلي سباكاي ”مُصَحَّف
عُثماني“
◀ ممفر كئلكن اذان كدوا قد هاري جمعة دان مغمبيل زكاة برداسر كن نيلاي مات واڭ
◀ ممبلي تانه اونتوق ممبسر كن مسجد نبوي

سومبغن خليفه علي بن أبو طالب

سبأيق منجادي خليفه، سيدنا علي بن أبو طالب رضي الله عنه تله برهادفن دغن كريسيس دالمن نكارا سهيڭك منججسكن تومفوان كقد فمباغونن نكارا. نامون، بلياو تله ملاكوكن بيراڧ تيندقن:

سوسيال ◀ براوسها مڭكلكن كستايلن دان كهرمونين نكارا

كئنتراڻ ◀ ممبينا مركز تنترا دفرسي دان دسمقادن سيريا

ايكونومي ◀ منروسكن كوتيقن جزية

كأمفت-امفت خليفه اين تله منونجوقكن چورق كشميقنين يڭ برتغكوغجواب. مريک برجواڭ اونتوق كمصلحتن دان كسجهتران هيدوف رعيت جلالت.

- ميئتا موريد منرغكن سومبغن خلفاء الراشدين دالم بنتوق فتا ميندا.
- ميئتا موريد مپناراينن نيلاي فرجواغن يڭ داقت دچونتوهي درقد ستياڧ خليفه.



5.3.3

فجاجرن



- 1 اومت اسلام هندقله منچونتوهي سماغت فرجواغن دان صيفت موليا قارا صحابت اكر دريضاي الله ﷻ.
- 2 اومت اسلام فرلو برسيفكف براني منكفكن كبنرن دان مغهافوسكن كباطلن يغ مپستكن.
- 3 اومت اسلام فرلو سغكوف بر قربان تناك، هر تا دان پاوا اونتوق كفتنيغن اكام.
- 4 كيت فرلوله منطاعتي دان مغير كائي سومبغن قميمقين اسلام يغ بايق برجاس.

اكتيويتي



- 1 سدياكن بوكو سكراف تنتغ "خلفاء الراشدين قُدُوهُكُو".
- 2 لغكفكن "كد عزم" سفرتي يغ برايكوت:

سكيران ساي منجادي قميمقين فد سواتو هاري ننتي:

عزم ساي اياله:

ساي جوگ تيدق اكن:

فنيلاين



- 1 بينا جدوال روايت هيدوف كأمقت-امقت خليفه يغ مغاندوغي نام فنوه، تاريخ لاهير، تمقت لاهير، كلرن، جاوتن دان صيفت فرييادي.
- 2 جلسكن دوا سومبغن ستياف خلفاء الراشدين.
- 3 جلسكن تيگ فجاجرن يغ داقت دامبيل درقد قيصه خلفاء الراشدين.
- 4 "قارا خلفاء الراشدين ممقوپاي صيفت كبرانين دان كصبرن يغ امت تيغكي."

باكايمانا كه اندا داقت منچونتوهي صيفت ترسبوت اونتوق منجادي موريد يغ چمرلغ دنيا دان داخيرة؟



- مينتا موريد مغيراين فجاجرن درقد فرجواغن خلفاء الراشدين.
- فستين موريد ملقساناكن توكنسن يغ دبري دغن سبايق موغكين.



5.3.4
5.3.5

تونا كوزو

بيدع اخلاق اسلاميه





اخلاق تر فوجي هياسن ڊيري

اخلاق محموده دان اخلاق مذمومه



فرڪاتان اخلاق بر اصل درفد فرڪاتان ”خُلُق“ يغ بر مقصود بودي فكري، واتق، كلاڪوان دان طبيعة. دري سكي ايستيهه، اخلاق اياله صيفت يغ تر تانم دالم جيو يغ مندور و غ لاهيرن سسواتو فر بواتن دغن موده تنفا فر تيمبغن دان فميڪيرن يغ مندالم.

اخلاق تر بهاڪي كغد دوا بهاڪين، يائت اخلاق محموده دان اخلاق مذمومه.

اخلاق محموده	اخلاق مذمومه	
صيفت دان تيغكه لاكو تر فوجي يغ تر داقت فد ڊيري سساورغ يغ بر ثقتن دغن نيلاي دان فراڪوان شرع.	صيفت دان تيغكه لاكو كجي يغ تر داقت فد ڊيري سساورغ يغ بولاونن دغن نيلاي دان فراڪوان شرع.	مقصود
اخلاق كغد الله ﷻ		
شكور، صبر، رضا، توكل، ذيكير دان قناعه.	رياء، فوتوس اسا، سغك بوروق دان لالاي.	چونتوه
اخلاق دغن مائسي		
تواضع، معحرمتي اورغ لائين، فغاسيهه، دان فموره.	سومبوغ، ممندغ هينا تر هادف اورغ لائين، كاسر، ممفتنه، خيانت دان بنخيل.	

اكتيويٽي



سنارايڪن چونتوه اخلاق محموده مغيڪوت

فمبهاڪين يغ برايڪوت:

◀ اخلاق كغد الله ﷻ

◀ اخلاق دغن مائسي

◀ اخلاق دغن حيوان

◀ اخلاق دغن عالم سڪيتر

- جلسڪن مقصود اخلاق، اخلاق محموده دان اخلاق مذمومه.
- مينتا موريد مپنارايڪن چونتوه دان بريينچغ تننغ بهاڪين اخلاق.



نوٽا خورو

6.1.1
6.1.2
6.1.4



اورغ یغ براخلاق محمودہ منداقت کدودوقن یغ تیغکی دان مولیا دسیسی اللہ ﷻ. کمولیان این دجلسکن اولیہ رسول اللہ ﷺ دالم حدیث ۲ یغ برایکوت:

چتوسن میندا



أنس بن مالك ﷺ
برکات، ”اکو برخدمت
دغن نبي ﷺ سلاما
سقولوه تاهون. بکیندا
تیدق فرنه برکات
کفداکو، ’اوه! کناف
کامو بوات بکینی؟‘
دان تیدق فرنه برکات
’کناف کامو تیدق بوات
بکینی؟‘“
(مسلم)

عَنْ أَبِي هُرَيْرَةَ ﷺ قَالَ: قَالَ رَسُولُ اللَّهِ ﷺ:
أَكْمَلُ الْمُؤْمِنِينَ إِيمَانًا أَحْسَنُهُمْ خُلُقًا.

(أبو داود)

ترجمهن:

أبو هريرة ﷺ مپاتاکن بهاوا رسول اللہ ﷺ برسبدا، ”اورغ مؤمن یغ
قالیغ سمفورنا ایمانن ایاله اورغ یغ قالیغ بائق اخلاقن“.

عَنْ أَبِي الدَّرْدَاءِ عَنِ النَّبِيِّ ﷺ قَالَ: مَا مِنْ شَيْءٍ أَثْقَلُ فِي الْمِيزَانِ
مِنْ حُسْنِ الْخُلُقِ.

(أبو داود)

ترجمهن:

أبو الدرداء ﷺ مروایتکن بهاوا رسول اللہ ﷺ برسبدا، ”تیدق اد
سسواتو یغ لیبه برت دالم تیمبغن (دأخیره) درفد کایلوqn اخلاق“.

رسول اللہ ﷺ برسبدا لاکي سباکایمان یغ دروایتکن اولیہ جابر ﷺ:

اکتیویتی



تولیس قیصه برکائتن دغن
اخلاق ایندیویدو یغ اندا
کنلی دان ممبریکن کسن
دالم هیدوف اندا.

إِنَّ مِنْ أَحَبِّكُمْ إِلَيَّ وَأَقْرَبِكُمْ مِنِّي مَجْلِسًا يَوْمَ الْقِيَامَةِ أَحْسَنُكُمْ
أَخْلَاقًا.

(الترمذي)

ترجمهن:

سسوغکوهن اورغ یغ قالیغ اکو چینتائی دالم کالغن کامو دان قالیغ
دکت کدودوقنن دغنکو قد هاری اخیره ایاله اورغ یغ قالیغ بائق
اخلاقن.

- پاتاکن کلبیہن براخلاق محمودہ برداسرکن دلیل نقلی.
- بیمیغ مورید اونتوق منولیس قیصه فریادی ایندیویدو یغ دکنلی.



6.1.3



اکتیوییتی



بینچغکن کفنتیغن اخلاق محموده
ترهادف ایندیویدو دان مشارکت.

- مینتا مورید ممبینچغکن توجوان مملیهارا اخلاق دغن مغمو کاکن بیراف فرسوالن.
- مینتا مورید ممبینچغکن حکمه براخلاق دغن اخلاق محموده.



6.1.5

This message was sent with High Importance.
 From: Zakiuddin bin Yahya
 To: Anas bin Zakiuddin
 Cc:
 Subject: Pesanan Ayah

ایمفلیکاسی تیدق مملیهارا اخلاق



واهاي انقکو یغ ترجینتا، ایغتله فسسنن ایه این،
 براخلاقله دغن اخلاق یغ مولیا. هیاسیله دیریمو دغن اخلاق محموده دان فلیهاراله دیریمو درفد
 اخلاق مذمومه. سسوغکوهن اخلاق یغ بوروق مروتوهکن مرواه دیریمو دان منجادیکن کامو
 هینا دسیسی اللہ ﷻ دان فندغن مائسی.

واهاي انقکو،

بیناله فریادیمو دان جائوهیله صیفت مذمومه. ایغتله بهاوا صیفت سومبوغ دان بوغکتق منجادیکن
 کامو دنبچی مائسی. صیفت ریاء قولاً منجادیکن کامو دمورکائی اللہ ﷻ.

واهاي انقکو،

جاغن سکالی- کالی کامو برسیکف بیادب ترهادف کورومو. برسوفنله دغن کورو کران عملن
 این کونچی کبرکتن علمو یغ اغکاو فلاجری.

واهاي انقکو،

هیاسیله دیریمو دغن صیفت امانه، صبر دان برتغکوغجواب. دغن این فستی کامو دحرمتی،
 دسایغی دان دچونتوهی سرتا دافت ممیقین اورغ کجالن یغ بنر. ایغتله فسسنن این واهاي انقکو.

ایهمو،

حاج زکی الدین

12 ربیع الأول 1437 هجرة

اکتیویتی



پاتاکن ایمفلیکاسی تیدق مملیهارا
 اخلاق برداسرکن ای- میل این
 دالم بنتوق فتا میندا.

کونچی علمو



نام رسول اللہ ﷺ ایاله محمد دان أحمد یغ برمقصود یغ ترفوجی دان
 ساعت ترفوجی. اللہ ﷻ مناماکن رسولن محمد دان أحمد سسوی
 دغن اخلاق بکیندا یغ ترفوجی دان برتفتن دغن القرءان.

• میتنا مورید ممباچ تیک س دان ممبوات فتا میندا تنتغ ایمفلیکاسی تیدق مملیهارا
 اخلاق.



6.1.6
 6.1.7

نوناً کورو




لڱڪفڪن تڪا سيلغ كات اين.

مليٽغ

- 1 لائين دلوار لائين ددالم.
- 4 اخلاق تر فوجي منيغڪلڪن — يغ تر فوجي.

منڪي

- 1 کراناڻ ابلېس بر موسوهن دغن
- 2 نبي آدم عليه السلام سهيغڪي قيامه.
- 2 فناور سڪالا سغڪيتا.
- 3 صيفت او تام قارا نبي.



فنيلاين



- 1 پاتاڪن مقصود اخلاق دري سڪي بهاس دان ايستيله.
- 2 جلسڪن تيڪ فرييدان انتارا اخلاق محموده دغن اخلاق مذمومه بر سرتا چونتوه.
- 3 پاتاڪن دليل نقلي تنتغ كلبيهن براخلاق موليا.
- 4 ترغڪن توجوان ممليهارا اخلاق موليا.
- 5 هوراڪن ايمفليڪاسي تيدق ممليهارا اخلاق دالم كهيدوفن.

سواسان كهيدوفن متاخير اين امت منچابر دان دفنوهي دغن قلباڪاي
ڪجلا سوسيال.




باڪايماناکه چارا اونتوق منچادي اورغ يغ استقامه برعمل دغن اخلاق محموده؟



امانه توغئق كسجهتران

مقصود امانه



دلیل نقلی

فرمان الله ﷻ:

إِنَّ اللَّهَ يَأْمُرُكُمْ أَنْ تُؤَدُّوا الْأَمَانَتِ إِلَىٰ أَهْلِهَا وَإِذَا حَكَمْتُمْ بَيْنَ
النَّاسِ أَنْ تَحْكُمُوا بِالْعَدْلِ

(سورة النساء، 4 : اية 58)

ترجمهن:

سسوغكوهن الله ﷻ مپوره كامو سوفايا منوناين سكالامان كقد اهلي
يغ برحق منريمان، دان افايلا كامو مموتوسكن حكوم انتارا مائسي،
(الله ﷻ) مپوره كامو معحكوم سچارا عاديل.

عَنْ أَبِي هُرَيْرَةَ رَضِيَ اللَّهُ عَنْهُ: أَنَّ رَسُولَ اللَّهِ ﷺ قَالَ:

أَدِّ الْأَمَانَةَ إِلَىٰ مَنْ أَسْتَمَنَكَ وَلَا تَخُنْ مَنْ خَانَكَ.

(الترمذي دان أبو داود)

ترجمهن:

أبو هريرة رضى الله عنه منچريتاكن بهاوا رسول الله ﷺ برسبدا، ”تونايكنله امانه كقد
اورغ يغ ممبري كامو امانه دان جاغن خيانت كقد اورغ يغ معخيانتيمو“.



- سومبغ سارن تنتغ كفهمن موريد تنتغ مقصود امانه.
- مينتا موريد منچاري دليل امانه دالم اينترنيت دان ممباچان دهادفن كلس.



6.2.1
6.2.2

نونانگورو



فغوروسن بائيق دان لنچر

فغوروسن يغ برسيه درفد سبارغ رسواه دان فنيقوان اكن منجيمتكن كوس فتديبيرن. فرخدمتن داقت دبريكن دغن لبه بائيق، چكف دان سمفورنا. كواليتي دان فرودوكتيوي تي نكارا جوگ اكن منيغكت.

دفرچايائي دان دسغي

اورغ يغ امانه موده مندافت كفرچايان رامي. حال اين داقت دليهت قد ديري رسول الله ﷺ يغ ساعت دفرچايائي دان دسغي اوليه مشاركت عرب جاهيلية سجع سلوم كرسولن بكنيدا. سكاليشون مريك تيدق برايما، مريك تتف مغامانهكن بارغ برهرك اونتوق دسيمفن اوليه بكنيدا.

تندا اورغ برايما

تيدق سمفورنا ايمان سساورغ يغ تيدق مملهارا امانه. اورغ يغ مغخياتي امانه تركولوغ دالم كالغن اورغ منافق. اورغ منافق دجنجيكن سيقسا عذاب نراك جهنم اوليه الله ﷻ.

موده ملينتس تبتين الصراط

اورغ يغ منجاك امانه ممفو ملينتس تبتين الصراط دغن لنچرث تنفا سبارغ هالغن.

اكتيوي تي



سورة يوسف، 12 : اية 54

سورة النمل، 27 : اية 39

سورة القصص، 28 : اية 26

فهمي قيصة درفد اية داتس دان كائتكش دغن كفتنيغن امانه.

• مينتا موريد منچاري معلومت لنجوت تنتغ كفتنيغن امانه درفد قيصة دالم القرءان دان بركوغسي داقتن دالم ميديا سوسيال.



6.2.3



ایمځلیکاسی تیدق امانه

چارا مځمکلن
صیفت امانه

امانه ترهادف دیری

- منججسکن ایمان
- تیدق دریضای الله ﷻ
- هیلغ کفرچایان اورغ رامای



- ممتوهی سوروهن دان
- لارغن الله ﷻ
- مملیهارا فنمځیلن دیری
- بردیسفیلن دان ممتوهی
- فراتورن
- برسوغکوه-سوغکوه دان
- راجین

امانه ترهادف کلوارک

- منجادی انق درهاک
- منچمرکن نام بائق کلوارک
- هوبوغن ککلوارکان
- منجادی رغکغ
- ملاهیرکن انق یغ تیدق مځغ
- بودی ایبو باف
- دنبچی اولیه ادیق-برادیق



- طاعة کفد ایبو باف
- برتغکوغجواب ترهادف
- امانه کلوارک
- مپایغی ادیق-برادیق
- ممستیکن ادیق-برادیق
- ملقساناکن سکالا فرینته
- الله ﷻ دغن سمفورنا

امانه ترهادف مشارکت

- مشارکت تیدق هر مونی
- کسلیسان عوام ترکغکو



- مځمرمتی جیرن، کورو،
- راکن دان مشارکت
- سکلیلیغ
- مپرتای فروکرم
- کمشارکتن

• مینتا مورید منچریتاکن بنتوق امانه یغ قرنه دریمان دان چارا امانه ترسبوت دسمفورناکن سرتا ایمځلیکاسی جک امانه ترسبوت تیدق دتونایکن.



6.2.4
6.2.5

نونان کورور



1 سڊياڪن سناراي سيمق اونتوق دنيلاي اوليه ايوو باف، راڪن دان ڊيري اندا. اناليسييس داقتن اونتوق محاسبه صيفت امانه اندا.

تيدق سمفورنا	سڦاروه سمفورنا	سمفورنا	ڦرڪارا
امانه ترهادف ڊيري			
			مماٽوهي سوروهن دان لارغن الله ﷻ
			مملهارا ڦنمڦيلن ڊيري
			برديسيفلين دان مماتوهي ڦراتورن
			برسوغڪوه-سوغڪوه دان راجين
امانه ترهادف ڪلوارڪي			
			طاعة ڪڦد ايوو باف
			برتغڪوڄجواب ترهادف امانه ڪلوارڪ
			مپايغي اديق-براديق
			ممستيڪن اديق-براديق ملقساناڪن سڪالا ڦرينته الله ﷻ دغن سمفورنا
امانه ترهادف مشارڪت			
			مغحرمتي جيرن، ڪورو، راڪن دان مشارڪت سڪليليغ
			مپرتائي ڦروڪرم ڪمشارڪتن



2 اڦاڪه تيندقن يغ ڦاتوت اندا لاڪوڪن جڪ برهادفن دغن سيتواسي برايڪوت؟ مغاڦاڪه اندا بربوات بڪيٽو؟

◀ راڪن بايق اندا منچريٽاڪن رهسيان ڪڦد اندا. دي ممينتا اندا سوڦايا تيدق منچريٽاڪن رهسيان ايت ڪڦد راڪن يغ لائين.

◀ ايوو اندا ممينتا اندا سوڦايا ڦولغ تروس ڪرومه اڦايبلا سلساي ڪلس تمبهن تتاڦي راڪن اندا مغاڦق اندا منمنين ڪڪڊاي بوڪو.

- ڦربايق هلامن اين اونتوق داڪيهڪن ڪڦد موريد.
- مينتا موريد ممبريڪن سناراي سيمق ڪڦد ايوو باف دان راڪن سلاين مننداڪن سنڊيري اونتوق منيلاي صيفت امانهن.



سدياکن دادو دان بيدق. لقساناکن فرماینن این سفرتي دم اولر.

چونتوهن: ساي اکن منجالنکن توکس
دغن امانه سباکاي ساورغ **کورو** دغن
چارا **منفتي وقتو فجاجرن دان قمبلاجرن**.

لغکفکن ايات ”ساي اکن منجالنکن
توکس دغن امانه سباکاي ساورغ ...
دغن چارا ...“

قماين يغ کااگل ملغکفکن ايات ترسبوت دغن بايق فرلو براوندور تیک فیتق.



25 اندا امانه!	24 قمندو	23 جوروتیکیک	22 جورو کامیرا	21 امام
16 جورولاتیه بولا	17 قنولیس بوکو	18 کتوا کامفوغ	19 اکاوتنن	20 نلاین
15 فکوام	14 قنوریه کته	13 کاونسلور	12 قنیاک بواه	11 دوکتور
6 جوروترا	7 ورتاون	8 واکیل رعیت	9 فکاواي بغک	10 عسکر
5 فکرجا بوروه	4 حاکیم	3 قغاول کسلامتن	2 جوروواغ	1 کورو

مولا



دغن مغلکوناکن قافن فرماینن يغ سام، لغکفکن ايات يغ برايکوت:
”جک ساي تیدق امانه کتیک منجالنکن توکس سباکاي ...، مک حال این اکن
ممبریکن کسن يغ بوروق، یأیت ...“

چونتوهن: جک ساي تیدق امانه کتیک منجالنکن توکس سباکاي **دوکتور**، مک حال
این اکن ممبریکن کسن يغ بوروق، یأیت **فساکیت تیدق منداقت راوتن يغ سفاتوتش**.



- 1 پاتاکن مقصود امانه.
- 2 پاتاکن دليل نقلي تونتوتن برصيفت امانه.
- 3 جلسکن کشتيغن صيفت امانه.
- 4 ترغکن دوا چارا مئعملکن امانه دان هورايکن ايمقليكاسي تيدق امانه ترهادف
 - ◀ ديري.
 - ◀ کلوارک.
 - ◀ مشارکت.

5 افاکه فغاجرن يغ داقت دأمبيل درقد قيصه عمر بن عبد العزيز اين؟

عمر بن عبد العزيز اياله خليفه يغ اکوڭ دان ترکنل دغن صيفت امانه. بلياو ممقوپاي دوا باتغ ليلين دفجابتن. ساتو باتغ ليلين دبلي دغن مئکوناکن دوئتن سنديري دان دکوناکن اونتوق ککوناکن فريادي سفرتي مغوروسکن ديري دان کلوارک. ساتو باتغ ليلين لاکي دبلي دغن مئکوناکن دوئت کراجان دان دکوناکن هاڻ اونتوق اوروسن راسمي فتديرن کراجان.

قد ساتو هاري، بلياو دداتغي انقن. انقن ممبريتاهو بهاوا دي داغ اونتوق اوروسن فريادي. لنتس عمر بن عبد العزيز سکرا ممامکن افي ليلين يغ دبلي دغن دوئت کراجان لالو مپالاکن افي ليلين يغ دبلي دغن دوئتن سنديري.



علمو چهاي كهيدوقن

کواجيښن منونتوت علمو



متلامت اوتام كهيدوقن مائسي اياله كايमानن كقد الله ﷻ دسمقيغ ملاكوكن عملن ۲ صالح. عملن يغ دداسري دغن علمو مروفاكن شرط دتريما الله ﷻ. اومت اسلام دلارغ ملاكوكن اتاو مغاتاكن سسواتو تنقا علمو. اوليه ايت، كيت دواجبكن مندالمي علمو فغتهاهوان سباكاي اوبت كقد كجاهيلن. كواجيښن منونتوت علمو سباكاي اكيندا فنتيغ اومت اسلام تله دجلسكن دالم حديث برايکوت:

عَنْ أَنَسِ بْنِ مَالِكٍ رَضِيَ اللَّهُ عَنْهُ قَالَ: قَالَ رَسُولُ اللَّهِ ﷺ:
طَلَبُ الْعِلْمِ فَرِيضَةٌ عَلَى كُلِّ مُسْلِمٍ

(ابن ماجه)

ترجمهن:

أنس بن مالك رَضِيَ اللَّهُ عَنْهُ بركات، رسول الله ﷺ برسبدا،
”منونتوت علمو واجب كقد ستياغ اورغ اسلام“.

اومت اسلام دواجبكن ممقلاجري علمو فرض عين سفرتي توحيد، فقه دان اخلاق سباكاي اساس اونتوق منجالني كهيدوقن برلندسكن شريعة. سلاين ايت، علمو فرض كفاية سفرتي سائينس، ايكونومي دان كدوكتورن واجب دقلاجري اونتوق ممبينا كقواتن دان ممليهارا مصلحت اومت اسلام. كدوا-دوا جنيس علمو اين فرلو دكواسائي سچارا سايمبغ دمي كسجهتران اومت دان ككميلغن اسلام.



- سومبغ سارن تنتغ كواجيښن منونتوت علمو دان دليلن.
- ترغن كقد موريد كفتيغن علمو دالم كهيدوقن مائسي



6.3.1

نونا كورد



علمو عبارت چہای یغ مپولوه کھیدوفن. اونتوق منداثکن علمو، کیت فرلوله مغمملکن ادب-ادبن اکر علمو یغ دفراولیه دبرکتی دسمشیغ داثت ملاھیرکن علموان یغ براخلاق مولیا سرتا مغمملکن علمو دغن سمفورنا.



کونچی علمو



دعآ سبلوم مولاکن فمبلاجرن:

اللَّهُمَّ افْتَحْ عَلَيْنَا فُتُوحَ الْعَارِفِينَ وَاَرْزُقْنَا فَهَمَ النَّبِيِّينَ
وَالِهَامَ الْمَلَائِكَةِ الْمُقَرَّبِينَ بِرَحْمَتِكَ يَا اَرْحَمَ الرَّاحِمِينَ

ترجمهن:

یا اللہ، بوکاکنله فینتو هاتی کامی سباکایمان اورغ یغ عاریف، کورنیاکنله کفد کامی کفهمن نبی ۲ دان الهام فارا ملائکہ یغ همفیر دغنمو، دغن رحمتمو واهای توهن یغ مها فموره لاکي مها فپایغ.

اکتیویتی



حیاتی قیصه نبی موسی دان نبی خضر علیہ السلام دالم ایه 66 هیغک 82 سورة الکھف یغ برکآیتن دغن ادب منونتوت علمو کمودین بنتغکن حاصل فرینچغن دھادغن کلس.

- مینتا مورید منجلسکن ادب ۲ منونتوت علمو.
- فستیکن مورید سنتیاس مغمملکن دعآ سبلوم مولاکن فمبلاجرن.



6.3.2

بونا کورو



کونچی علمو



- امام الشافعی فرنه برقسن،
علمو تیدق اکن داقت دفراولیه
کچوالی دغن انم فرکارا:
1. الدَّكَاؤُ (چردس)
 2. الحِرْصُ (کأیغینن یغ تیغکی)
 3. الإِجْتِهَادُ (برسوغکوه- سوغکوه)
 4. البُلْعَةُ (کواغن یغ چوکوف)
 5. صُحْبَةُ الْأُسْتَاذِ (بردمشیغ دغن کورو)
 6. طَوْلُ الزَّمَانِ (تیمشوه یغ فنجغ)



السلام علیکم استاذ، معاف ساي اد سواتو کمشکیلن دان ایغین برتاڻ.. 😊

وعلیکم السلام، کامو ایغین برتاڻ تنتغ اف، انس؟

ساي سدغ میدیاکن تیک س شرحن اکام برکائین دغن ادب ۲ منونتوت علمو دان کلبیهنن.

بولیهکه استاذ جلسکن سر با سدیکیت تنتغ کفتنیغن برادب کتیک منونتوت علمو؟ 😊

اوه، ایت موده سهاج، انس. عبارت کات ففاته بوات بایق دبالس بایق. سکیراڻ کامو منونتوت علمو دغن برادب، مک سوده فستی کامو اکن منداقت کنجرن کبایقن سرتا ممقراولیه بایق منفعت.

انتارا کفتنیغنن ترماسوقله منداقت کنجرن فهالا مانا کالا علمو یغ دفلاجری منداقت کبرکتن. سلاین ایت، کامو اکن منچاقای کجایان دالم هیدوف سرتا موده ملاکوکن کبایقن دان کطاعتن. هیدوف کامو منجادی تنغ دان مشارکت جوک اکن ممندغ تیغکی ترهادف کامو.

الحمد لله، ساي سوده فهم، استاذ. تریما کاسیه بایق ۲ استاذ اتس فئرغن ترسبوت. 😊

- مینتا مورید منرغکن کفتنیغن برادب کتیک منونتوت علمو دالم بنتوق فتا فمیکیرن.
- مینتا مورید مغبوبوغکاءیتکن کفتنیغن برادب کتیک منونتوت علمو دغن کهدوفن مریک.




6.3.3

نوننا کورو

عاقبة تيدق برادب کتيک منونتوت علمو



سساورغ موريد يغ تيدق برادب کتيک منونتوت علمو فستي اکن ممفراوليه کسن بوروق. انتاراش ترماسوقله:



اکتيفيتي



برداسرکن دوا کمبر سيتواسي اين، جلسکن فنداقت اندا تنتغ کسن يغ اکن دتريما اوليه موريد دالم سيتواسي 1 دان موريد دالم سيتواسي 2.

- ميتتا موريد منرغکن عاقبة تيدق برادب کتيک منونتوت علمو دالم بنتوق فتاي-تين ک.
- ميتتا موريد مغبوبوغکايکن عاقبة تيدق برادب کتيک منونتوت علمو دغن کهيدوقن مريک.



6.3.4



کونچي علمو



إسلام تله ملاهير کن بايق
توکوه علموان یغ ترکنل.
انتاراش ترماسوقله:

1. امام أَبُو حَنِيفَةَ، امام
مَالِك، امام الشَّافِعِي دان
امام أَحْمَد - فقه
2. ابْنِ سِنَا - فراوبتن
3. الحَوَارِزْمِي - ماتماتیک
4. الفَارَابِي - فلسفه
5. جَابِرِ بْنِ حَيَّان - کیمیا

اللَّهُ ﷻ منیغکیکن درجت اورغ یغ برعلمو مغاتسي
کدودوقن اورغ یغ برهرتا. حال این داقت دلیهت
دالم قیصه طألوت یغ دلانتیق منجادي راج (قمیمشین
بني إسرائيل) کران کقواتن توبوه دان کتیغکین علمو
والاوقون دي سآورغ یغ میسکین.


اورغ یغ برعلمو (علماء) منجادي فواریت فارا نبي دان
قمیمشین کجالن کباءیقن. اورغ یغ برعمل دغن علمو
اکن منجادي چونتوه تلادن دالم مشارکت. اورغ برعلمو
یغ مپمقایکن علمو اونتوق کباءیقن اکن ددعاءکن اولیه
سموا مخلوق دلاغیت دان دبومي دان دفرموده باکیث جالن
کشرک. اورغ یغ کلوار دري رومه دغن نیه منچاري
علمو عبارت برجهاد دجالن الله ﷻ.

يَرْفَعُ اللَّهُ الَّذِينَ ءَامَنُوا مِنْكُمْ وَالَّذِينَ أُوتُوا الْعِلْمَ دَرَجَاتٍ

(سورة المجادلة، 58: آية 11)

ترجمهن:

اللَّهُ ﷻ مٹعتک درجت اورغ ۲ برایمان دان اورغ یغ برعلمو
انتارا کامو بیراف درجت.



اكتیویتی



تولیس تیک کات ۲ حکمت
برکایتن دغن کلیهن علمو دان
تمقلکنش دکلس اندا.

- میتتا مورید مغهواریکن کلیهن اورغ یغ برعلمو دان کلیهن منونتوت علمو.
- چریتاکن قیصه تلادن برکایتن دغن کلیهن علمو دالم کهیدوقن.
- نیلای: برادب کتیک منونتوت علمو دان سنتیاس منچینتای علمو.



نوننا کورور

6.3.5
6.3.6



1 حاضیری کلیه دتمقت ماسیغ ۲ اتاو دغر چرامه اکام ملالوئی رادیو اتاو تیلیویشن کمودین بوات چاتن تنتغ تاجوق دان ایسی کلیه یغ دسمقاییکن.

2 بینچغکن عاقبة جک مشارکت هیدوف دالم کجاهیلن. سدیاکن تیکس فیداتو برداسرکن توفیک این دان فرسمبهکنش دهادفن کلس.



1 پاتاکن چونتوه تیغکه لاکو یغ برادب دان تیدق برادب کتیک منونتوت علمو.

تیغکه لاکو یغ تیدق برادب کتیک منونتوت علمو	تیغکه لاکو یغ برادب کتیک منونتوت علمو



2 مغافاکه اسلام مواجبن اومتن منونتوت علمو؟ کموکاکن فنداقت اندا.

3 ترغکن دوا کلبیهن اورغ برعلمو دان اورغ یغ منونتوت علمو.

4 جلسکن تیک ادب منونتوت علمو.

5 ترغکن تیک عاقبة سکیرااں مورید تیدق برادب کتیک منونتوت علمو.

6 کتیغکین علمو تیدق منجامین سساورغ منجادی انسان یغ چمرلغ ددنیا اتاو داخیره.



جلسکن فنداقت اندا مغافاکه ترداقت کولوغن چندکیاون یغ برعلمو تتافی ماسیه ملاکوکن جنایه سفرتی رسواه، سکیم چقت کای، جنایه سبیردان فغوبهن واغ حرام.



مرواه ديري چرمين قريبادي

مقصود منجاک مرواه ديري



مرواه براصل درقد فرکاتان مُرُوَّةٌ دالم بهاس عرب یغ بر مقصود کأیلوقن قريبادي. مقصود منجاک مرواه ایاله اوسها مملیهارا ديري درقد ملاکون لارغن الله ﷻ دان فرکارا یغ بولیه منچمرکن کحرمتن ديري، کلوارک دان مشارکت.

کواجیشن منجاک مرواه ديري



کواجیشن منجاک مرواه این دسوتکن اولیه حدیث یغ دروایتکن اولیه سیدنا الحسن بن علي ﷺ بهاوا رسول الله ﷺ برسبدا:

إِنَّ اللَّهَ يُحِبُّ مَعَالِيَ الْأُمُورِ وَيَكْرَهُ سَفْسَافَهَا.

(الطبراني)

ترجمهن:

سسوڭکوهن الله ﷻ سوک کقد فرکارا یغ برنیلاي تیغکی دان مولیا سرتا ممبچی فرکارا یغ کچی.

این دسو کوغ اولیه سیدنا عمر بن الخطاب ﷺ مالوئی کاتا-کاتان:

كَرُمُ الْمُؤْمِنِ تَقْوَاهُ وَدِينُهُ حَسْبُهُ وَمُرُوَّتُهُ خُلُقُهُ.

(مالك)

ترجمهن:

کمولیان سآورغ مؤمن ترلتق قد کتقوانن، اکام قد نیلاي ديري دان مرواه قد اخلاق.

کدوا-دوا دلیل دأتس منجلسکن بهاوا مسلم یغ بر مرواه ایاله اورغ یغ ممقوپایي اخلاق یغ بائق، منجاک فرکاولن دغن اورغ لاین، ممقوپایي کفربادین یغ مولیا دان دسغی اولیه مشارکت.

- میتنا مورید مپاتاکن مقصود منجاک مرواه ديري.
- برینچغ دغن مورید تنتغ کواجیشن منجاک مرواه ديري سرتا دلیل نقلی.



6.4.1
6.4.2
6.4.3

نوننا کورور



فنجاکان مرواه ديري مليفتوي تيک اسفيک اوتام، ياءيت فتمفيلن برفاکايين، کسوفنن دالم فرچاکفن دان کأيلوقن تيغکه لاکو. فندوان باکي تيک اسفيک ترسبوت اداله سفرتي يغ برايکوت:


فاکايين منوتوف عورة
فاکايين يغ برمرواه.



فندوان فاکايين يغ برمرواه

- ◀ منوتوف عورة
- ◀ کمس دان برسبه
- ◀ تيدق منچولوق مات
- ◀ تيدق مغاندوغي لامبغ، کمبر دان
- ◀ توليسن يغ دلارغ دالم اسلام
- ◀ سسوي دغن تاتاسوسيلا
- ◀ مشارکت ستمفت
- ◀ تيدق مپروفائي فاکايين اکام لائين
- ◀ تيدق مپروفائي فاکايين جنتينا يغ
- ◀ برييدا

فاکايين يغ کمس دان برسبه
منيغتکن مرواه ديري.



اکتيفيتي



- بينچتکن فرکارا برايکوت دالم کومقولن:
- ◀ فرمقوان ماکاي تودوغ
 - ◀ تنافي ماکاي باجو برلغن فينديق.
 - ◀ لاکي ماکاي فاکايين يغ منمفقکن قوست.

کونچي علمو



عَنْ ابْنِ عَبَّاسٍ رضي الله عنه قَالَ: لَعَنَ رَسُولُ اللَّهِ صلى الله عليه وسلم الْمُتَشَبِّهِينَ مِنَ الرِّجَالِ بِالنِّسَاءِ وَالْمُتَشَبِّهَاتِ مِنَ النِّسَاءِ بِالرِّجَالِ.
(البخاري)

ترجمهن:

ابن عباس رضي الله عنه برکات بهاوا رسول الله صلى الله عليه وسلم ملعنة لاکي يغ مپروفائي وانيتا دان وانيتا يغ مپروفائي لاکي.

- سومبغ سارن تنتغ چارا منجاک مرواه ديري دري اسفيک فاکايين.
- ترغکن باتس عورة لاکي دان عورة فرمقوان دغن ليه ترفرينچي.



نونا خوروا

6.4.4
6.4.7

فندوان تیغکه لاکو یغ برمرواه

- ◀ مغمملکن بودایا برجابت تاغن دغن مَحَرَم
- ◀ ممینتا ایذین سمبیل منوندوقکن بادن افاویلا
- ◀ لالو دهادغن اورغ یغ لبیه توا
- ◀ منظاهیرکن فراسان بلس کاسیهن کفد
- ◀ اورغ یغ لبیه مودا
- ◀ مماتوهی ادب دان اوندغ ۲ دجالن رای
- ◀ منولوغ اورغ یغ ممرلوکن، چونتوهن اورغ
- ◀ بوتوا، اورغ کورغ اوغای، اورغ فقیر دان
- ◀ میسکین
- ◀ مگکوناکن هرتا عوام دغن برتغکوغجواب
- ◀ تیدق منظالیمی حیوان
- ◀ منجاک کبرسیهن عالم سکیتیر
- ◀ مگکوناکن میدیا سوسیال دغن برهیمه
- ◀ منجاک باتس فرکاءولن انتارا للاکی دغن
- ◀ فرمقوان

فندوان فرچاکغن یغ برمرواه

- ◀ فرچاکغن یغ سوغن دان تیدق
- ◀ کترلالوان
- ◀ اینتوناسی دان نادا سوارا یغ
- ◀ سسویا دغن سواسان دان اورغ
- ◀ یغ مندغر
- ◀ برمانیس موک کتیک برچاکف
- ◀ برچاکف فرکارا یغ برفاءیده
- ◀ ممغکیل اورغ لاین دغن فغکیلن
- ◀ یغ دسوکائی
- ◀ مغمیندری فربواتن برچاکف
- ◀ بوهوغ، مغمومت، مگادو دومبا،
- ◀ ممفتنه دان برکاتا-کات لوجه
- ◀ تیدق مموغکیری جنجی
- ◀ مغوچفکن سلام کتیک برتمو دان
- ◀ برقیسه
- ◀ ممبودایاکن اوچغن تریما کاسیه



اکتیویتی



- سدیاکن اوغکغن دیالوک برایکوت دان
سیمولاسیکن:
1. اوچغن تریما کاسیه کفد کورو سمفنا هاری کورو.
 2. اوچغن تهنیئه کفد کاوان سکلس اتس کجایان دالم فغریقسان.
 3. دیالوک دمسجد دغن اورغ یغ لبیه توا.

- بیمیغ مورید منجانکن اکتیویتی میدیاکن اوغکغن دیالوک.
- مینتا مورید منرغکن چارا منجاک مرواه دیری دری اسفیک فرچاکغن دان تیغکه لاکو.
- نصیحتی مورید سوفایا منجاک فرچاکغن دان تیغکه لاکو.



6.4.4
6.4.7



ساي اوچقکن سلامت برچوتي. جاكاله مرواه ديري کامو سباکاي مورید مسلم. ايغته فسنن رسول الله ﷺ کفد کيت دالم حديث بکيندا.

عَنْ أَبِي سَعِيدٍ الْخُدْرِيِّ رَضِيَ اللَّهُ عَنْهُ عَنِ النَّبِيِّ ﷺ قَالَ: يَا كُمْ وَالْجُلُوسَ عَلَى الطَّرِيقَاتِ. فَقَالُوا: مَا لَنَا بِدُّ. إِنَّمَا هِيَ مَجَالِسُنَا نَتَحَدَّثُ فِيهَا. قَالَ: فَإِذَا أَبَيْتُمْ إِلَّا الْمَجَالِسَ فَأَعْطُوا الطَّرِيقَ حَقَّهَا. قَالُوا: وَمَا حَقُّ الطَّرِيقِ؟ قَالَ: غَضُّ الْبَصَرِ وَكَفُّ الْأَذَى وَرَدُّ السَّلَامِ وَأَمْرٌ بِالْمَعْرُوفِ وَنَهْيٌ عَنِ الْمُنْكَرِ.

(البخاري)

ترجمهن:

أبو سعيد الخدري رضي الله عنه يروي عن رسول الله ﷺ برسبدا، ”جاغته کامو دودوق دتقي جالن.“ مريک برکات، ”کامي تيدق دافت مغيلقن کران دسيتو تمفت کامي بربول.“ رسول الله ﷺ برسبدا، ”سکيران کامو ترفقسا دودوق دسيتو مک توناپکنله حق جالن.“ مريک برتان، ”افاکه حق جالن؟“ بکيندا منجواب، ”منوندوقکن فندغن، مناهن ديري درقد مپاکيتي اورغ لاین، منجواب سلام، مپوروه ممبوات کبايقن دان منچکه کموغکرن.“

عَنْ أُسَامَةَ بْنِ زَيْدٍ رَضِيَ اللَّهُ عَنْهُ قَالَ: قَالَ رَسُولُ اللَّهِ ﷺ: مَنْ صَنَعَ إِلَيْهِ مَعْرُوفٌ فَقَالَ لِفَاعِلِهِ: جَزَاكَ اللَّهُ خَيْرًا فَقَدْ أَبْلَغَ فِي الشَّاءِ.

(الترمذي)

ترجمهن:

أسامة بن زيد رضي الله عنه يروي عن رسول الله ﷺ برسبدا، ”سسيافا يغ دفرلاکون دغن کبايقن لالو دي مغوچقکن کفد اورغ يغ ملاکون کبايقن ترسبوت جَزَاكَ اللَّهُ خَيْرًا (سموک الله ﷺ ممبریکن بالسن يغ تربايق کفدامو) سسوغکوهن دي تله مغوغکفکن اوچقن تريما کاسيه (فوجين) يغ تربايق.“

• مينتا مورید مپدياکن فتا بوئيه تنتغ تيغكه لاکو بر مرواه برداسرکن مقصود حديث.



6.4.4
6.4.7

بونا خورو

عاقبه تيدق منجاك مرواه دان حكمة منجاك مرواه



مرواه، اوه مرواه،
ماری کیت منجاک مرواه،
تیغکل دوسا کجر فهاالا،
نتی کیت دسایغی الله.

توتوف عورة جاک مرواه،
جاغن کیت بوات جنایه،
دیری سوسه کلوارک سوسه،
اورغ رامای برکله کسه.

توتور کات بودی بهاس،
کالو دجاک سما سجهترا،
برامه مسرا انتارا بغسا،
سلاما-لاما کأمانن دراس.

تیغکه لاکو هاروس دجاک،
کالو تیدق فورق فرندا،
سلوروه دنیا مئجی کیت،
علامت کیت منداقت فتاک.

افاته لاکي دأخيرة سان،
تیدق تاهن دغن نراک،
مینتا جائوه درقد سيقسا،
جاک مرواه سلاما-لامان.



اكتیویتی



بردا سرکن لیری ک دیکی بارت یغ دسدیاکن:

- ◀ فرسمهکن دیکی بارت دغن ایراما لاکو "واو بولن"
اتاو لاکو لاین یغ برسواین.
- ◀ سنارایکن عاقبه تیدق منجاک مرواه دان حكمة
منجاک مرواه ترهادف دیری، کلوارک دان
مشارکت یغ ترداقت دالم لیری ک دیکی بارت.

• مینتا مورید ممبوات فرسمهکن دیکی بارت.

• مینتا مورید مغانالیسیس ایسی فنتیغ عاقبه تیدق منجاک مرواه دان حكمة منجاک مرواه.

6.4.5

6.4.6

6.4.7



نونان کورور



فراهيتيکن سیتواسي برايکوت دان نصیحتي مریک یغ براد دالم سیتواسي ترسبوت.



فنیلاین



1 پاتاکن مقصود منجاگ مرواه ديري.

2 پاتاکن دليل نقلي کواجیقن منجاگ مرواه ديري.

3 ترغکن چارا منجاگ مرواه ديري دري اسقیک:

◀ فاکاین ▶ فرچاکفن ▶ تیغکه لاکو

4 ترغکن عاقبة تیدق منجاگ مرواه ديري.

5 هورایکن حکمه منجاگ مرواه ديري.

6 مزلن بربول دغن داتوقن ملالوئي تیلیفون، دي برکات کفد داتوقن:

بیلاکه داتوق هندق ممبریکن هدیه اونتوق ساي؟ ساي بلوم قرنه منداقت
اف ۲ هدیه درفد داتوق.



هورایکن فندغن اندا برداسرکن فربولن مزلن دغن داتوقن دالم کونتیگ س منجاگ مرواه ديري.

إبراهيم أنيس، عبد الحليم، عطية دان محمد خلف، ت. ت. المعجم الوسيط. بيروت: دار احياء التراث العربي.

ابن قدامة، احمد بن عبد الرحمن المقدسي، 1994. مختصر منهاج القاصدين. دمشق: مكتبة دار البيان. ابن كثير، أبو الفداء إسماعيل بن عمر الدمشقي، 2008. تفسير القرآن العظيم. بيروت: مؤسسة الرسالة ناشرون.

أبو الليث، محمد، 2004. علوم الحديث: أصيلها ومعاصرها. باغي: دار الشاكر. أبو داود، سليمان بن الأشعث، 2009. سنن أبي داود. دمشق: دار الرسالة العالمية. ازرينا صبيان، 2012. إسلام: كرياتيفيوتي دان اينوفاسي. كوالا لمفور: فثريت ايكيم. با فضل، عبد الله بن عبد الرحمن الحضرمي، 2011. المقدمة الحضرمية في فقه السادة الشافعية. بيروت: دار المنهاج.

البخاري، أبو عبد الله محمد، 2001. الجامع المسند الصحيح المختصر من أمور رسول الله ﷺ وسننه وأيامه = صحيح البخاري. مصورة: دار طوق النجاة.

البوطي، محمد سعيد رمضان، 2005. فقه السيرة النبوية مع موجز لتاريخ الخلافة الراشدة. دمشق: دار الفكر.

الترمذي، أبو عيسى، 1998. الجامع الكبير - سنن الترمذي. بيروت: دار الغرب الإسلامي. قمر العزمي جسمي، 2007. فثديدين وضوء مذهب الشافعي. جوهر بارو: فثريت ا.ت.م. فريس. حفيظة دسوقي، حسن معارف، نورخوليش، زكية، ريديو مسدوكي، 2004. اينسيكلوفيديا إسلام. كوالا لمفور: ديوان بهاس دان فوستاك.

خالد جمعة، 2009. موسوعة الأخلاق. كويت: مكتبة أهل الأثر. الخطيب الشربيني، شمس الدين محمد بن أحمد القاهري الشافعي، 2013. الإقناع في حل ألفاظ أبي شجاع. بيروت: دار ابن حزم.

الخن، مصطفى، البغا، مصطفى، الشربجي، علي، 2005. الفقه المنهجي على مذهب الإمام الشافعي. دمشق: دار القلم.

داود عبد الله الفطاني، 2015. منية المصلي (فترجمه: محمد رمزي عمر). كوالا لمفور: فوستاك علموان.

روحضير رائييس، فواد اسماعيل، محمد واحد عبد الحنيف، 2011. اينسيكلوفيديا صلاة: كومبيناسي فكتا حكوم دان سائين س. كوالا لمفور: تلاك بيرو سنديرين برحد.

سعيد إبراهيم، 1995. هوراين أسماء الحسنی: جالن مغيحياتي عقيدة إسلام. كوالا لمفور: دار المعرفة. الصابوني، محمد علي، 2011. الشرح الميسر لصحيح البخاري. بيروت: المكتبة العصرية.

- عبد الرحمن حبنكة الميداني، 1979. العقيدة الإسلامية وأسسها. دمشق: دار القلم.
- عبد القادر ليوغ، 2009. تجويد القرآن رسم عثمانى. كوالا لمفور: فوستاك سلام سنديرين برحد.
- عبد الكريم زيدان، 2001. أصول الدعوة. دمشق: مؤسسة الرسالة.
- عبد الله باسميخ، 2011. تفسير قيمقين الرحمن. كوالا لمفور: دار الفكر.
- الغزالي، أبو حامد، 2014. مكاشفة القلوب. كوالا لمفور: اينتيم.
- فاطمه ابراهيم، وان ابو بكر وان عباس، ع غ سيو چيوق، 2009. صلاة: كبايقن دري فرسفيكتيف سائين س. كوالا لمفور: جابتن كجوروتراين بيوفراوبتن اونيفورسيطي ملايا.
- القرضاوي، يوسف، 2009. فقه الجهاد. القاهرة: مكتبة وهبة.
- المبار كفوري، صفي الرحمن، 1994. الرحيق المختوم. رياض: مكتبة دار السلام.
- المبار كفوري، صفي الرحمن، 2006. المصباح المنير في تهذيب تفسير ابن كثير (فترجمه: أبو احسان). جاكرتا: فوستاك ابن كثير.
- محمد الزحيلي، 2000. مرجع العلوم الإسلامية. دمشق: دار المعرفة.
- محمد سوكي عثمان، 2014. رسول الله ﷺ دان خلفاء الراشدين: سنجوغن اومت سفنچغ زمان. كوالا لمفور: ديوان بهاس دان فوستاك.
- محمد عصري هاشم، شهر الزمن بيستامين، خيرالدين غزالي، 2004. الوافي شرح حديث 40 امام نواوي. القاهرة: فرسكوتوان ملايو ريقوبليك عرب مصر.
- محمد علوي المالكي الحسني، 1978. تاريخ الأحاديث والأحوال النبوية. بيروت: المكتبة العصرية.
- محمود طحان، 1984. تيسير مصطلح الحديث. كويت: دار التراث.
- مذاكرة جاوتنكواس فتوى عيم. كي. ا.ي. كالي ك-80، 2008. كارييس فنديوان فثغكونان كوليت دان بولو اونتوق دجاديكين فاكاين اتاو بارغن. 3 - 1 فيبرواري 2008.
- مصطفى السباعي، 1999. السيرة النبوية. رياض: دار الوراق.
- مصطفى السقا، ابراهيم الأبياري، عبد الحفيظ شلبي، 1996. السيرة النبوية لابن هشام. دمشق: دار ابن كثير.
- مصطفى ديب البغا، 1996. التذهيب في أدلة متن الغاية والتقريب. دمشق، بيروت: دار ابن كثير.
- مناع القطان، 1992. مباحث في علوم الحديث. القاهرة: مكتبة وهبة.
- مناع القطان، 1997. مباحث في علوم القرآن. القاهرة: مكتبة وهبة.
- النووي، أبو زكريا، 1972. المنهاج شرح صحيح مسلم بن الحجاج. بيروت: دار إحياء التراث العربي.
- وهبة الزحيلي، 1989. الفقه الإسلامي وأدلته. دمشق، سورية: دار الفكر.
- وهبة الزحيلي، 2009. التفسير المنير في العقيدة والشريعة والمنهج. دمشق: دار الفكر.

Dengan ini **SAYA BERJANJI** akan menjaga buku ini dengan baik dan bertanggungjawab atas kehilangannya serta mengembalikannya kepada pihak sekolah pada tarikh yang ditetapkan.

Skim Pinjaman Buku Teks

Sekolah _____

Tahun	Tingkatan	Nama Penerima	Tarikh Terima

Nombor Perolehan: _____

Tarikh Penerimaan: _____

BUKU INI TIDAK BOLEH DIJUAL